

O'ZBEKISTON RESPUBLIKASI OLIY VA O'RTA MAXSUS
TA'LIM VAZIRLIGI

O'RTA MAXSUS, KASB-HUNAR TA'LIMI MARKAZI

O'RTA MAXSUS, KASB-HUNAR TA'LIMINI
RIVOJLANTIRISH INSTITUTI

A. I. KORMILISIN, M. M RASULOV,
S. X. DAVLATOV

**KUTUBXONASHUNOSLIK
ISHINING NAZARIYASI
VA TARIXI**

Kasb-hunar kollejlari uchun o'quv qo'llarma

O'ZGEOKADASTR
TOSHKENT – 2003

Taqrizchilar:

- E. YO'L DOSHEV – pedagogika fanlari nomzodi, professor,
Sh. SHAMSIYEV – tarix fanlari nomzodi, dosent,
O. ALIMOVA – Toshkent Madaniyat kolleji Kutubxonashunoslik
kafedrasini mudiri, oliy toifali o'qituvchi.

Mas'ul muharrir:

- M. B. BEKMURODOV – sosiologiya fanlari doktori, professor

Qo'llanma A.Qodiriy nomidagi Toshkent Davlat Madaniyat institutining
Ilmiy Kengashi tomonidan nashrga tavsiya etilgan.

K 4405000000-45 – 2003

© O'ZGEOKADASTR – 2003

M U Q A D D I M A

Respublikamiz mustaqillikka erishgandan keyin xalqimizning ma'naviy merosi va uni o'rganishga katta e'tibor berila boshlandi. Ayniqsa, xalqimizning ma'naviy merosini asrab-avaylashda kutubxonaling roli kattadir. O'zbekiston hududida sharq qo'lyozma asarlarini saqllovchi kutubxonalar arablar istilosidan ancha oldin vujudga kelgan bo'lib, ularning paydo bo'lishi va faoliyati mamlakatning iqtisodiy va madaniy taraqqiyoti bilan bog'liqdir. Kutubxonalar ma'naviy boylik va ilmiy tafakkur durdonalarini o'z bag'riga olgan muassasa, ular katta miqdordagi kitob boyliklariga ega va insoniyat ijod qilgan g'oyat boy madaniy merosni asrlar osha bizgacha yetkazib bergen.

Mazkur ishda o'rta asrlar davridan XX asrning boshlarigacha bo'lgan davrda O'zbekiston hududida mavjud kutubxonaling vujudga kelishi va rivojlanishining umumiyy manzarasini qisgacha yoritib berishga birinchi marta qul urilgan va mavzu tarixiy-kutubxonashunoslik adabiyotlarida deyarli yoritilmagan.

Kitobxonlar e'tiboriga havola etilayotgan ushu qo'llanma adabiy manbalar asosida, kutubxonalar faoliyatiga doir tadqiqotlar natijalari esa O'zbekiston xalqlari tarixi xronologik izchillikda yoritilgan, Markaziy Osiyo davlatlari ijtimoiy-iqtisodiy va madaniy rivojlanishiga amal qilingan.

Asar mualliflari shu narsaga qat'iy ishonadilarki, kitobxonlar mazkur qo'llanmani zo'r qiziqish bilan o'rganib, unda fagat kutubxonalar tarixi bilan emas, shu bilan birga kutubxonalar vujudga kelgan, rivojlangan va barham topgan sharoit bilan ham tanishadilar.

O'ZBEKISTON HUDDUDIDA ARABLAR ISTILOSIGA QADAR VUJUDGA KELGAN YOZUV, DASTLABKI KITOBLAR VA KUTUBXONALAR

O'zbekiston hududida qadim ma'naviyat qaror topib, o'z davri uchun yuksak va rivojlangan madaniyat mavjud edi. Sharq qo'lyozmalarini saqlovchi dastlabki kutubxonalar arablar istilosidan ko'p yillar muqaddam iqtisodiy va madaniy jihatdan yuqori darajada rivojlangan So'g'd, Baqtriya, Xorazmda vujudga kelgan.

Bu yerlarda sug'oriladigan dehqonchilik, bog'dorchilik, uzumchilik taraqqiy etgan, hunarmandchilik yuksak darajaga ko'tarilgan, savdo-sotiq ishlari keng rivojlangan: Masalan, Osiyo savdogarlarining karvonlari Hindistonga, Vizantiyaga, Xitoya yo'l olar edi. Savdo-sotiqning keng rivoj topishi savodxonlik va yozuvning targalishiga sabab bo'ldi.

O'zbekistonning hozirgi hududida yozuv ancha oldin paydo bo'lgan, buni o'tkazilgan arxeologik qazilmalar tasdiqlaydi. Xorazmshohlarning Tuproqqa'l adagi (Qoraqalpog'iston Respublikasi) qasrlariga taalluqli inshootlarning qazib olingan namunalari, ko'p sonli uy anjomlari va san'at ashyolari bilan bir qatorda saroy arxivi hujjatlarida eramizning III asriga tegishli ma'muriy-xo'jalik mazmuni-dagi 80 ga yaqin matn borligi aniqlandi. Bu hujjatlar teri va yog'ochga tush bilan chiroyli husnixatda bitilgan va akademik S.P. Tolstov ko'rsatib o'tganidek, til jihatidan «ular so'g'd tiliga yaqin hamda X-XI asrlarda aniqlangan xorazmliklar tilining bevosita o'tmishdoshi hisoblanadi».

1932-1933-yillarda Zarafshon daryosining so'l qirg'o'g'ida topilgan Mug' tog'laridagi so'g'd hujjatlari tahlili

So'g'diyonaning fugarolar ma'muriyati va moddiy mada-niyati tarixini aks ettiradi va hozirga qadar so'g'dlarning chinakam qo'lyozma hujjatlarining birdan-bir qimmatli namunasi hisoblanadi. Ular VIII asming 30-yillariga to'g'ri keladi. Qadimgi hujjatlar qal'a vayronalari orasida ming yildan ortiq yotsa-da, ularni bema'lol o'qish mumkin. Akademik I.Yu. Krachkovskiyning fikricha, bu topilma-ning hammasi «hukmdor Divashti arxivi yoki ko'chma kanselyariyasi bo'lib, uning egasi asir olib ketilgandan keyin vayron bo'lgan qal'ada qolib ketgan».

Xorazmda, Panjikentda va boshqa hududlarda amalga oshirilgan qazilma ishlari vaqtida topilgan Buxoro tangalari V asrdan va undan keyingi davrlardagi so'g'd yozuvi namunalarini o'zida saqlab qolgan. Bu tangalardagi yozuvlar va ularning tili so'g'd yozuvlariga mos keladiki, buni 1876 yoldayoq rus orientalist olimi P.P. Lerx isbotlab bergen edi.

O'zbekiston hududidagi yozma yodgorliklarning ilk namunalari ostrakonlar – eramizdan oldingi II asrga taallugli səpol idishlarning bo'laklaridagi yozuv qoldiglaridir. Bular arxeologlarning (qadimshunoslar) urush yillari olib borgan qazilmalari vaqtida topilgan va ular «Parfiyaning o'z tub yerlaridagi mahalliy yozma tarixiy manbalar va ayni vaqtida parfiya tili va yozuviga doir eng qadimgi yodgorliklardir».

O'rta Osiyo xalqlarining yozuvi ancha oldin rivoj topgan, birmuncha keyinroq esa Xitoy olimi va sayyohi Syuan-Tszyanning (VII asr) ma'lum qilishicha, Markaziy Osiyo orqali Hindistonga ketayotgan vaqtida So'g'dda va Xorazmda ana shu vaqtida o'ziga xos rasmiy taqvim (kalender) bo'lganligidan xabar topgan. Samargandda savdo-sotiq maqsadlari uchun bolalarni besh yoshidan boshlab yozuv, hisoblashga o'rgatishgan, kattaroq yoshdag'i bolalami karvonlar bilan birga savdo ishlarini o'rganish uchun boshqa mamlakatlarga yuborishgan.

Markaziy Osiyo hududida urxun yozuvi mavjud bo'lib, u asosan sharqiy Turkiston, Yettisuv, g'arbiy Pomir shahlarida, Talas vodiysi va boshqa joylarda qal'a tomlari-dagi yozuvlarda saqlanib qolgan. Bu vaqtida qadimgi turkiy yozuvning bir turi bo'lgan uyg'ur yozuvi ham mavjud edi. Arablar istilosining dastlabki yillarida arab yozuvi bilan bir qatorda Markaziy Osiyo hukmdorlarining idora ishlarida uyg'ur yozuvi ham qo'llanilgan. Shunday qilib, O'rta Osiyoning hozirgi hududida so'g'd, xorazm, urxun, uyg'ur va boshqa yozuvlarning mavjudligi bu hududlarda o'sha davrlarda madaniyat ancha yuksak darajada rivojlanganligidan dalolat beradi.

Markaziy Osiyo xalqlarining tili va madaniyati juda katta hududlarga, shargda Olmaotadan tortib janubda Kushkagacha, Qizilqumdan shimoli-sharqiy Hindiston-gacha keng yoyilgan edi.

Turli yozuv namunalarining mavjudligi qo'lyozma asarlarning vujudga kelishiga zamin bo'ldi, ulardan dastlabkilari ancha uzoq o'tmishga mansubdir. Bundan qariyb 1790-yil burun xristian dini «Manixeyev» sektasining asoschilaridan biri, kohin Mani uzoq vaqt mobaynida g'orda yashab, yolg'iz o'zi kun kechirar ekan, diniy ta'limot asoslari bayon qilingan rasmli kitob yozishga muvaffaq bo'lgan.

Aholi orasida yozuv va kitoblarning targalishi u vaqtarda diniy e'tiqod bilan bog'liq bo'lib, kitoblardan asosan badavlat xonodon egalari bahramand edi. Aholining mutlaq ko'philigi savodsiz bo'lganligi sababli ular o'z orzu-o'yłari va muddaolarini og'zaki poetik ijodda tarixiy voqealar bilan bog'liq ravishda aks ettirgan. Ko'pgina epik dostonlar va rivoyatlarda Markaziy Osiyo xalqlarining ajnabiyy bosqinchilariga qarshi kurashi kuylangan. Almoniyalar davlatining sharqiy viloyatlarida birinchi marta «Shohnoma» nomli mashhur doston yaratilgan. Xuddi shu yerda bir vaqtlar zardo'shtiylarning kitobi – «Avesto» vujudga kelgan edi. Bu asar qahramonlari o'z jasoratlarini Baqtriya, So'g'd, Marg'iyona va Xorazm tomonlarda ko'rsatgan.

Keyinchalik epik mazmundagi asarlarini adabiy jihatdan gayta ishlab, ulami tarixiy shaxslarga bag'ishlash urfga aylangan.

Ma'rifatning rivojlanishi va kitoblarning to'planib borishi avvalo diniy muassasalar – masjid va madrasalar da, ayrim hukmdorlarning saroylari qoshida kutubxonalar vujudga kelishiga sabab bo'ldi. Abu Rayhon Beruniyning tarjimai holida bosqinchi arablarning zolimligi va qattiqopp'lligi haqida, ulaming muqaddas qasr va saroylami, mahalliy xalqlarning madaniy yodgorliklarini ayovsizlik bilan yo'q qilib tashlanganligi haqida hikoya qilinadi. Ular olimlar va ruhoniylar ta'qib qilib, yozma yodgorliklarni yo'q qildilar va nati jada Markaziy Osiyo xalqlarini shunday ahvolga olib keldilarki, bu xalqlar «o'qish va yozish san'atini esdan chiqarib yubordilar, ilm-fan sohasidagi bilimlarning ko'plaridan bebahra qoldilar».

VIII asrning boshlariga kelib Markaziy Osiyo davlatlari feudal taraqqiyot bosqichiga kirdi, bu vaqtida feudal tarqoqlik Markaziy Osiyo hududida ko'pgina ayrim mustaqil mulkdorlarning paydo bo'lishida o'z ifodasini topdi. Ular doimiy ravishda tinkani qurituvchi o'zaro urushlar olib bordilar. Bu hol arablarga Markaziy Osiyoni bo'ysundirish, ulaming xalqlariga esa arablar dinini majburan qabul qildirishni osonlashtirdi. Ayniqsa, Movarounnahr (Amudaryoning o'ng sohil tomonida joylashgan viloyatlar), Buxoro (709), Samargand (712) singari madaniy markazlar, Xorazm va Farg'ona vodiysisidagi shaharlar Xuroson noibi Qutaybaning jangovar yurishlari vaqtida ko'proq vayronaga aylandi. Bosqinchilarning qadami yetgan hamma joyda ko'p sonli madaniyat yodgorliklari va boyliklari bilan bir qatorda Markaziy Osiyo xalqlarining diniy va dunyoviy kitoblari yo'q qilindi va yoqib yuborildi. Bosqinchilar o'zlarining istilochilik siyosatini «chinakam» din uchun muqaddas urush olib borish zarurligi bilan oqladilar. Akademik T. N. Qori-Niyoziyning so'zlarini bilan aytganda, «arab bosqinchilarining dinga

toqatsizligi Markaziy Osiyo xalqlarining yaratgan va islomdan oldingi o'tmishi bilan bog'liq bo'lgan ko'pgina madaniy boyliklarni inkor qilishda namoyon bo'ldi, O'rta Osiyo xalqlari madaniyatiga qaqshatqich zarba berdi». Bordi-yu qandaydir qo'lyozma, kitoblar va kutubxonalar saqlanib qolgan ekan, bunga sabab yog'iylarning qo'li yetmaganligidir (Masalan, sharqiy Turkistonda). 642-643-yillarda so'nggi sosoniylar avlodni bo'lgan Yazdigard III arablar ta'qibidan qochib Marvga ketib qoladi, o'zi bilan birga kutubxonasi dagi qimmatbaho boshqa boyliklar bilan bir qatorda pahlaviylarga mansub ko'p miqdordagi qo'lyozmalarni ham olib ketadi. Tarixchi Ahmad ibn Tohir va geograf Yoqutning hikoyalariiga qaraganda, bu qimmatbaho qo'lyozmalar Marvda IX asr boshlariga qadar saqlangan. Bu qo'lyozmalardan keyinchalik Firdavsiy «Shohnoma» dostonini yozishda foydalangan. Mazkur qo'lyozmalarning shundan keyingi taqdiri quyidagicha: Marvda afrikalik qo'shinlar bo'lgan vaqtarda qo'lyozmalami tortib olib, ularni Afrikaga olib ketganlar, keyin esa qo'lyozmalar Hindistonga ko'chirilgan.

Arablar bosqinchiligi Markaziy Osiyo davlatlariga juda katta talafot yetkazgan bo'lsa-da, lekin u qadimgi ma'naviyatni batamom yo'q qila olmadi.

SOMONIYLAR VA MO'G'UL BOSQINCHILIGI DAVRIDA MADANIY HAYOT VA KUTUBXONALAR FAOLIYATI

IX-X asrlarga kelib ulkan arab xalifaligi mustaqil viloyatlarga bo'linishi ogibatida XI asming oxirgi choragida Markaziy Osiyo yerlari arablardan ajraldi va mustaqil Somoniylar davlati tashkil topdi. Mustaqil davlatlarning tashkil topishi davlat tuzilishining birmuncha markazlashuviga,封建 o'zaro urushlaming kamayishiga olib keldi. Bu hol xo'jalikning rivojlanishiga va madaniyatning o'sishiga yordam berdi. Arab xalifaligining barcha mamlakatlaridan Movarounnahrga olimlar, shoirlar, musavvirlar va boshqa san'at namoyandalari kela boshladи. Mashhur fors shoiri va adabiyotshunosi ibn Muhammad Saolibiyning so'zlariga qaraganda, X asr oxiri XI asrning boshlarida Markaziy Osiyo va Xurosonda 119 nafar shoir yashab, ijod qilgan, ular orasida g'arbiy Erondan va arab xalifaligidan 25 muhojirming nomi eslatib o'tiladi.

Bu vaqtida Samarcand, Marv, Urganch va boshqa shaharlar madaniy jihatdan ancha rivojlangan edi, lekin somoniylar davlatining poytaxti Buxoro shahri bu jihatdan alohida ahamiyatga egadir. Somoniylar sulolasining ko'plab namoyandalari adabiyot, xususan she'riyatga, ilmfanga honiylik qildilar. Davlatning asosiy ilmiy va adabiy-amaliy idora tili – arab tili hisoblanardi, ammo u sekinsta mahalliy fors tili tomonidan siqib chiqarila boshlandi, fors tilida adabiy, shu jumladan, she'riy asarlar tobora ko'proq yaratila boshlandi.

Mazkur davrda dunyoviy madaniyat, ilm-fan rivojlandi, badiiy adabiyot gurkirab o'sdi. Markaziy Osiyoda ko'pgina mashhur olimlar yetishib chiqdi. Buxoroning

Afshona qishlog'ida tavallud topgan Abu Ali ibn Sino (980-1037) tomonidan tibbiyot, matematika, fizika, astranomiya, falsafa, etika, ritorika (notiqlik san'ati) va boshqa fanlar bo'yicha 450 ta asar yaratilgani ma'lum. Ibn Sino ijodining tadqiqotchilari hali-hanuz uning tobora yangi-yangi asarlarini izlab topib, ma'naviyatimiz xazinasini boyitmoqdadir.

Ibn Sinoning zamondoshi bo'lgan buyuk olim Abu Rayhon Beruniy Kat shahrida dunyoga kelgan bo'lib, u o'z davrining mashhur qomusiy olimi sifatida dunyoga tanildi. Uning haddan tashqari mehnatsevarligi va bilimlarning sirini egallashga bo'lgan beqiyos intilishi uning tangri ato qilgan tug'ma qobiliyati bilan birga qo'shilib buyuk muvaffaqiyatlami qo'lga kiritishiga olib keldi. Olim deyarli sakson yilga yaqin umri davomida 150 ga yaqin salmoqli asarlar yaratdi, bular astranomiya va matematika, geologiya, tarix, geografiya va boshqa fanlarga doir edi. Beruniy kitoblами o'lmас asarlar deb atagan bo'lsa, o'z asarlarini bannisoli o'z farzandlari singari e'zozlar edi. Alloruning o'ta mehnatsevarligini ta'kidlar ekan, uning zamondoshi Shahrazuriy Beruniy vafotidan (1053-54) keyin oradan ko'p o'tmay bunday deb yozgan edi: «Uning qo'li deyarli sira yozishdan, ko'zлari doimo kuzatishdan to'xtamasdi, qalbi esa mulohaza yuritishga intilardi. Faqat bir yilda ikki kun – yangi yil kuni, Mehrjon bayrami kunini – ozig-ovqat va kiyim-bosh sotib olishga bag'ishlardi».

Beruniy ma'naviy madaniyatni ehtiros bilan o'rganar, kitoblами jon-dilidan sevar, kitobga bo'lgan muhabbat va humrat unda hali yosh chog'laridanoq tug'ilgan va butun umr bo'yi saqlanib qolgan edi.

Farg'onalik atog'li astranom va matematik Ahmad al-Farg'oniy va IX asrda yashab o'tgan xorazmlik Muhammad ibn Muso al-Xorazmiy ham ko'plab asarlarini meros qilib qoldirdilar. Taniqli tarixchi olim Husayn Bayhaqiyining qalamiga mansub 30 jilddan ortiq asarlari mavjud edi. Mashhur tarixchi va geograf olim Mahdisiyining ham qalamiga mansub ko'plab asarlari chop etilgan.

Yuqorida aytib o'tilgan buyuk olimlar va mutafakkirlar ning barchasi o'zining shaxsiy kutubxonasiiga ega bo'lgan.

Samarqandda, VIII asrda o'ta sifatli qog'oz ishlab chiqarishning boshlanishi Markaziy Osiyo hududida kutubxonalar va ulardagi noyob kitoblar sonining ko'payishiga yordam berdi.

X asr davlat kitob jamg'armalarining yaratilishi bilan ajralib turadi. Saroy kutubxonalarida bu vaqtga kelib kitoblami tasniflariga ajratish usullari qo'llanilib va ular qo'riqlana boshlandi. X asrning oxiriga kelib esa qo'lyozma, kitob omborlarida asarlarni saqlashning mehnat taqsimoti ko'zga tashlanadi: bu yerda mudirlar (vakillar), saqlovchilar (xazinachilar), nazoratchilar (mushriflar) va boshqalar bor edi. O'z davri uchun ancha salmoqli bu qo'lyozmalarni jamg'arish o'z mazmuniga ko'ra bilimlarning turli sohalarini aks ettirar edi. Barcha adabiyotlar tegishli ruyatlarga kiritilgan bo'lib, shular asosida tegishli asar qidirib topilardi. Ya'ni qidirish tizimi ishlab chiqilgan edi. Kutubxona xodimlari faqat kitoblarni qabul qilish va berish bilan emas, balki ulaming saqlanishi, ta'mirlanishi va qayta tiklanishi to'g'risida ham g'amxo'rlik qilishardi.

O'sha davrda juda ko'p kitob boyliklariga ega bo'lgan Buxoro kutubxonasi juda mashhur bo'lib, mazkur kutubxona ni hech mubolag'asiz Markaziy Osiyoning yetakchi siyosiy va madaniy-ma'rifiy markazlaridan biri edi, deb aytish mumkin. Buxoro atoqli kishilar to'planadigan, adabiyot yulduzлari uchrashadigan, o'sha davr ilm-fan ahlining muloqti, mashvaratlar olib boradigan joyi bo'lib qolgan edi.

Buxoro amirining saroyida ham boy kutubxona bo'lib, bu yerda ayrim fan sohalariga doir kitoblar alohida-alohida xonalarda sandiqlarga solingan holda saqlanardi. O'rta asrning buyuk mutafakkiri Abu Ali ibn Sino 17 yoshgidayoq somoniylar amiri Nuh ibn Mansur saroyi mulozimlari orasida tibbiyot sohasida nufuzli mavgeni egallab, saroy kutubxonasi dagi kitoblarni mutolaa qilishga ruxsat olgan va bu kutubxonani quyidagicha ta'riflagan: «Men ko'p xonalarda tashkil topgan kutubxonaga kirganimda har bir

xonada kitoblar bilan liq to'la sandiqlar bor edi. Bitta xonada arabcha kitoblar va she'rlar, boshgasida esa qonunshunoslik haqidagi kitoblar bor edi va shu tariqa har bir xonada ham qandaydir ilm-fan tarmog'iga doir kitoblar mavjud edi. Men o'zimning fandagi salaflarim kitoblari ruyxatini o'qidim va menga keraklarini olib berishni so'radim. Men u yerda nomlarini ko'rdim, o'zim ham ilgari ularni uchratmagan edim. So'ngra men bu kitoblarni o'qib chiqib, ulardag'i foydali narsalarni bilib oldim va har bir muallifning o'z bilim sohasidagi olimlik darajasini anglab yetdim».

Bu ta'rifga qarab kutubxonaning boyligi haqida xulosa chigarish, unda kitoblarni saqlashdagi belgilangan tartib haqida, ko'p miqdordagi nodir kitoblar to'g'risida ma'lumotga ega bo'lish mumkin.

Xorazmshohlar sultanatida ham davlatga qarashli boy kutubxonalar bo'lgan. XI-XII asrlarda Xorazm har jihatdan ravnaq topayotgan, bu yerdagi Xiva, Kat, Gurganj (Urganch) shaharlari shiddat bilan rivojlana boshlagan, ularda o'qimishli kishilar ko'plab topilardi. Taxminan 1000 yilda bu yerga sulolalar urushidan va qoraxoniylar zulmidan qochib, Ibn Sino ham ko'chib ketgan edi. Urganchda taniqli olim Faxriddin ar-Roziy «Fanlar to'plami» nomli qomusiy asarini yozib tugatgan, bu asarda ilmnинг 57 xil sohasi bo'yicha ma'lumotlarni to'plagandi. Xorazmda mashhur filolog va adib Abdulqosim az-Zamaxshariy yashab ijod qilgan – u yirik lug'at va grammatika kitoblarining muallifi edi. XII asming buyuk olimi, shifokor Zayniddin abu Ibrohim ad-Jurjoniy batafsil tibbiy ensiklopediya tuzib chiqgan.

Xorazm hukmdori Ma'mun II saroyida ko'pgina olimlarni birlashtirgan va to'plagan. «Ma'mun akademiyasi» vujudga kelgan. 1010-yilda bu yerda Beruniy ham ishlagan, u atoqli olim Ibn Sino bilan ishlashdek buyuk baxtga sazovor bo'lgan. O'sha vaqtarda Xorazmda tashkil etilgan kutubxonalar orasida Shaxobiddin Xivaqiyning Urganchdagi kitob xazinalari ayniqsa o'zining kitobga boyligi bilan nom chigargan edi. Bu kutubxona haqida Nasafiy: «Bunday kutubxona ilgari ham, keyin ham

bo'l magan, uning qo'lyozma jamg'armasi Marv kutubxonalaridan qolishmas edi», deb yozgan edi.

Shimoliy Xuroson, ayniqsa, Marv kutubxonalarida qo'lyozma fondlari mo'l-ko'lligi bilan ajralib turardi. Shuning uchun ko'pgina yirik adiblar va shoirlar Shimoliy Xurosondon chiqganligi bejiz emas. Buyuk shoir Da-qiqiy mashhur xalq eposini X asrda «Shohnoma» ga asos qilib oldi. Keyinchalik bu asardan xurosonlik shoir Abulqosim Firdavsiy (934-1025) ijodiy foydalanib, o'zining butun dunyoga mashhur bo'lgan «Shohnoma» dostonini yaratdi. Firdavsiy bu asar ustida ishlashni 976-yilda boshlab, unga 35 yillik umrini bag'ishladi va qariyb 60 ming bayt she'r yozishga muvaffaq bo'ldi. Firdavsiy O'rta Osiyo va Eron xalqlari qahramonlik dostonlari, afsonalari, rivoyatlari, va ertaklarini o'rganib, asarda Eron va Turonning, ya'ni O'rta Osiyo yerlarining uch ming yildan ko'proq tarixini qamrab oldi. Garchi doston shohlar haqidagi kitob bo'lsa ham, unda mehnat kishilariga bo'lgan mehr-muhabbat zo'r mahorat bilan kuyylanadi. Zo'ravonlik, zulm vaadolatsizlik qoralanadi. Bu asar jahon madaniyati xazinasiga kirgan bo'lib, hozirgi vaqtida ko'pgina xalqlarning tillariga tarjima qilingan.

Mashhur geograf Yaqutning ma'lumot berishicha, mo'g'ul bosqinchiligi davrida Marvda o'nta yirik kutubxona mavjud bo'lgan. «Men miqdori va afzalligi jihatidan bunday kutubxonalarni dunyoning hech bir yerida ko'maganman», deb yozgan olim.

Marvdagi kutubxonada Yaqut «Mamlakatlar lug'ati» tuzish ustida qunt bilan ishlab, juda batafsil geografik ensiklopediya yaratди. Umazkur kutubxonalarda o'zining butun vaqtini o'tkazib, «izlanishlar lazzati tufayli o'z vatanimni ham unutib, mazkur kitobim va boshqa asarlarim uchun kerak bo'ladigan deyarli barcha materiallarni shu yerda to'pladim», deb yozgan edi muallif.

Yugorida sanab o'tilgan saroy kutubxonalaridan tashqari boshqa shaharlarda ham kutubxonalar bo'lgan.

Saroy kutubxona jamg'armalarining aksariyat qismini tabiiy va gumanitar fanlarga doir asarlar tashkil etardi.

Afsuski, mazkur kutubxonalardagi kitoblardan keng xalq ommasi foydalana olmas edi.

Biroq shohlar saroyidagi kutubxonalar keng kitobxonlar ommasidan ajralib qolgan bo'lishiga qaramay, ular o'zining mavjud bo'lishi bilanoq shahar aholisi o'rtaida savodxonlik va madaniy yuksalishning avj olishiga yordam bergan.

Movarounnahr hududida saroy kutubxonalaridan tashgari, masjid va madrasalar huzurida ham ko'plab kutubxonalar tashkil etilgandi. X asrdayoq musulmon targ'-ibotchilari va qonunshunoslarini tayyorlash uchun masjitelar huzurida madrasalar paydo bo'ldi – ular o'rta va olyiymusulmon maktablari bo'lib, ularda islam dini masalalariiga doir mavzularda ma'ruzalar qilinardi.

Madrasalar to'g'risidagi dastlabki ma'lumotlar 937-yilda Buxoroda sodir bo'lgan yong'in davriga to'g'ri keladi, bu vaqtida yonib kul bo'lgan binolar orasida Farjaq madrasasi ham tilga olinadi.

Yogutning ma'lumotlaridan bilamizki, Marvda jome masjitelari huzuridagi Aziziya va Kamoliya kutubxonalarida 12 mingtaga yaqin qo'lyozma kitoblar bo'lgan. Boshqa madrasalar huzurida ham yirik kitob jamlamalari mavjud edi. Faqat bиргина Dumariya kutubxonasining o'zida Beruniyning 30 dan ortiq ilmiy asarlari saqlangan.

Madrasalar hozirgi O'zbekiston hududining deyarli barcha shaharlarida bor edi. Samargandning o'zida 17 ta xususiy madrasa bor edi. Birgina Manixeyev monastiriga qarashli kutubxona beshta binoga joylashgan.

U vaqtarda xususiy madrasalardan tashgari hukmdorlardan mablag' olib turgan davlat madrasalari ham bo'lardi. Xurosonning dastlabki davlat madrasalariga G'aznaviy hukmdorlarining bevosita farmoyishi bilan XI asrda asos solingen.

Buxoro shahridagi madrasa huzurida qo'lyozma kitoblar saqlanadigan juda boy kutubxona mavjud edi. V.V. Bartoldning ma'lumot berishicha, ma'ruzalar qilinadigan xonalardan tashgari barcha madrasa binolarini qo'lyozma kitoblar bilan to'ldirilgan kutubxonalar egallagandi. Boshqa

madrasalarning kutubxonalarida ham qo'lyozma kitoblar ko'p bo'lgan.

Qo'lyozmalardan tashkil topgan kutubxonali madrasalar soni ortib borishiga islom dini va davlat hokimiyyati yordam berdi. Madrasalar huzuridagi kutubxonalarda ko'proq diniy mazmundagi adabiyotlar to'plangan. Biroq ko'p sonli diniy mazmundagi qo'lyozmalar bilan bir qatorda dunyoviy adabiyotlar, tarix, astronomiya, tabiiy va boshqa fanlar bo'yicha asarlar ham kirib bordi.

O'sha zamonlarda xususiy kutubxonalar, ayrim nufuzli shaxslarning, taniqli olimlar, yozuvchilar, shoirlar va boshqa ko'plab ma'lumotli va madaniyatli kishilarning qo'lyozma kolleksiyalari ham bor edi. Masalan, Seraxsnning «Kitob ziynat al-kuttab» («Husnixat yozadiganlarning bezak kitobi») 30 jilddan iborat.

O'rta Osiyoning o'sha vaqtidagi hududida keng kitob savdosi yo'lga qo'yilgan. Samarcandga tashrif buyurgan XI-XIII asrlardagi saydatchilar shahar kitob bozorlarining boyligi haqida batafsil hikoya qilganlar. Ko'p sonli kitob bozorlari Buxoro shahrida ham tashkil etilardi. Biz Ibn Sinoning tarjimai holidan shuni bilamizki, ayniqsa, juma kurnlari kitob bozori juda qizg'in bo'lgan. Ana shunday kitob bozorlaridan Ibn Sino o'ziga juda kerakli kitob-mashhur o'rta asr faylasufi Abu Nasr al-Forobiyning kitobini topib oladi. Uch dirhamga xarid qilingan qo'lyozma (bir dirham o'sha vaqtida uch gramm og'irlikdagi kumush tanga edi) Aristotelning «Metafizika» kitobiga Forobiyning yozgan sharhlaridan iborat ekan.

O'sha zamonlarda tez-tez bo'lib turadigan yong'inlar madaniy boyliklarga, shu jumladan, kutubxonalar uchun katta ofat bo'lgan. Markaziy Osiyo shaharlarining turar joy binolari bilan zikh joylashtirilganligi va ularga yommayon jamoat binolarining qurilganligi, buning ustiga yog'odhning ko'p ishlatalganligi (ustunlar, ayvonlar, eshiklar, romlar va hokazolar uchun yog'och taxtadan tayyorlanganligi) ko'pincha yong'inlar chiqqan paytlarda butun-butun mavzelarning yonib kul bo'lishiga olib kelgan. Yugorida qayd etilganidek, 937-yilda Buxorodagi dah-

shatli yong'inda shaharning yarmi, shu jumladan, Farjaq madrasasidagi kutubxonaning ham yo'q bo'lishiga sabab bo'lgan. Zamondoshlarning xabar berishlariga qaraganda, bir kuni chiqqan yong'in vaqtida somoniylar mashhur saroy kutubxonasi yonib kul bo'lgan.

Mo'g'ullarning Markaziy Osiyoga qilgan hujumi barcha madaniy boyliklar, shu jumladan, kutubxonalarning ham misli ko'rilmagan darajada vayron bo'lishi butun-butun shaharlar va qishloqlarning yo'q bo'lishiga olib keldi. Masalan, Marv vohasi, Xorazm yerlari, So'g'd va boshqa ko'plab shaharlarning ship-shiydon bo'lib qolishi shular jumlasidandir. Mo'g'ul bosqinchiligi davrida Markaziy Osiyodagi xo'jalik va madaniy hayot katta tanazzulga uchradi, ishlab chiqaruvchi kuchlarga katta zarar yetkazdi.

Xuroson, Buxoro, Samargand va boshqa shaharlarda-
gi juda katta vayronagarchiliklar natijasida san'at, boy
kutubxonalar, qishloq xo'jaligi, saroylar, masjitelar,
madrasalar yo'q bo'lib ketdi.

Bu voqealarni o'z ko'zi bilan ko'rgan tarixchi Juvayniy o'sha vaqtda mahalliy muqaddas joylar tahqirlanganligi, masjitelar va madrasalar otxonalarga aylantirilganligi haqida hikoya qilgan edi.

Bosqinchilarning bir yarim asrlik hukmronligi davrida Markaziy Osiyo xalqlarining madaniy rivojlanishi bo'g'ib qo'yildi, adabiyot sust rivojlandi. Asosan diniy mazmundagi va mo'g'ullar tarixi haqidagi kitoblar yaratildi. Mo'g'ul hukmdorlarining kitob omborlari yoki kutubxonalarga o'xshash biron narsa yaratganligi haqida ma'lumotga ega emasiz. Kutubxonalar faga't madrasalar huzurida, xususan, qo'lyozma kolleksiyalariga esa mashhur tarixchi va shifokor Fazlulloh Rashididdinda, tarixchi Juvayniyda va boshqa olimlar hamda taniqli arboblarda mavjud edi.

AMIR TEMUR VA TEMURIYLAR DAVLATIDA MADANIY HAYOT HAMDA KUTUBXONALAR

Amir Temur va temuriylar hukmronlik qilgan davrlarda qo'lyozmalar saqlanadigan kutubxonalarning ko'p asrlik tarixi ko'p miqdorda qo'lyozma fondlarining jamlanishi, bilimlarning turli tarmoqlariga doir asarlar mavjud bo'lgan yangi kutubxonalar tashkil etilishi bilan tahsincha sazovor.

XIV asrning ikkinchi yarmida – XV asrning boshlari da Mavarounnahrda me'morchilik va amaliy san'at keng rivoj topdi. Amir Temur davlatining poytaxti bo'lgan Samargand ulkan shaharga aylandi, bu yerda ko'plab saroylar, masjitlar, madrasalar, maqbaralar va boshqa ja-moat inshootlari barpo etildi.

Mamlakatda tibbiyot sohasidagi bilimlar, astronomiya, matematika, tarix, adabiyot va boshqa fanlar qadr topdi. Bu esa qo'lyozma fondlari, saroylar, madrasalar huzurida kutubxonalar tashkil etilishi va xususiy kutubxonalarning paydo bo'lishiga yordam berdi. Amir Temur hukmronlik qilgan yillarda (1370–1405) qo'lyozmalarni saqlash va kutubxonalar tashkil etish to'g'risida katta g'anxo'rlik qilindi. Sohibqironning o'zi adabiyot va san'atni yaxshi ko'rardi. Masalan, uning hukmronlik qilgan davrining birinchi yarmida zabit qilingan hududlarda to'plangan kitoblar va qo'lyozmalar Shahrisabzga yuborilgan. Bu yerda esa katta saroy qo'lyozmalar kutubxonasi tashkil etilgan.

Mamlakat poytaxti Samarganddagi saroy kutubxonasi ayniqsa mashhur bo'lib, bu yerda yunon, lotin, suriya, arman, fors va boshqa tillardagi eng nodir qo'lyozmalar saqlanardi. Bu qo'lyozmalarning ko'pi Amir Temur zabit

etgan mamlakatlardan keltirilgan. Turkiyaning Bursa shahridagi mashhur kutubxonadan Samarqandga ko'pgina qimmatli va nodir qo'lyozmalar keltirilgan. Bursa kutubxonasini antik davrdagi mashhur kutubxonalardan biri – Pergam kutubxonasining merosxo'ri edi. Qadimgi bu buyuk kutubxonada antik davrning eng mashhur olimlari mutolaa qilishgan. Bu yerda Arximedning zamondoshi matematik Apolloniy, faylasuflardan Antigon Karistskiy, Kichik Nenaf va boshqa ko'pgina kishilar ishlagan. Bursa kutubxonasida saqlanayotgan Ptolomey, Gipparx, Diofant va boshqa iskandariyalik mualliflarning asarlari Pergam kutubxonasidan keltirilgan degan fikrlar asoslidir.

Ma'lumki, ko'plab olimlar Temur poytaxtiga bu yerdagi kutubxonada ishlash uchun kelgan. Ulardan biri matematik Qo'zizoda Rumiy – Ulugbekning va Alovuddin Ali ibn Muhammad (Ali Qushchi)ning ustozи bo'lgan. U Samarqandga Bursadan kelgan edi.

Temur Armanistondan ko'pgina qo'lyozma kitoblarini olib ketgan. Arman tarixchisi S. A. Babayanning ma'lum qilishicha, Tayevsk monastiri huzuridagi universitet kutubxonasining bir qismi Samarqandga tashib ketilgan. Bu kitoblar orasida suriyalik Murabas Godinning qo'lyozmalari ham bo'lib, uni muallif arman podshosi Bagarshkning farmoyishiga binoan Godin tomonidan Xaldey, Eron va boshqa sharq mamlakatlarida to'plangan va ular era-mizdan oldingi 150-yilgacha bo'lgan tarixni qamrab olgan edi. M. A. Godin tomonidan yozilgan Armaniston tarixi keyinchalik Moisey Xorenskiyning va boshqa arman tarixchilariga o'zlarining tarixiy asarlarini yozishga manba bo'lib xizmat qilgan.

Amir Temuring arman kutubxonalaridan kitoblar olib ketgani to'g'risida arman tarixchisi Mixail Chamchyan quyidagilarni ma'lum qiladi: «U barcha arman va fors kitoblarini ulgorganicha to'plab, ularni Samarqandga yuborgan va u yerda bitta minorada joylashtirgan. Minoradan kimda-kim olib chiqib ketishini qattiq qo'rqitish

bilan ta'qiqlab quygan, kitoblarni o'qimoqchi bo'lganlariga minorada shug'ullanishga, biroq bu yerda juda uzoq vaqt qolmaslikka ruxsat bergan».

Tarixiy ma'lumotlarga tayanib xulosa chiqariladigan bo'lsa, Amir Temurning Samarganddagi saroy kutubxonasini faqat kitob saqlanadigan onbor bo'lib qolmay, u yerga ba'zan kitobxonlarni ham quyishgan. Kutubxonaga kirish juda ozchilik kishilar uchun ruxsat etilgan. Kutubxonaning qanday ko'rinishda bo'lganligi, kitoblar qanday saqlangani va ulardan qanday foydalanilgani to'g'risidagi bat afsil ma'lumotlar hozircha topilmagan. Biroq aytish mumkinki, saqlovchilar qo'lyozmalarni yuksak darajada qadrlaganlar va chamasi ularga to'g'ri munosabatda bo'lishni bilganlar, kutubxona uchun maxsus bino qurilganligi ham bu fikni tasdiqlaydi. Shuni ham aytish kerakki, bu yerda ham kitoblardan iborat boyliklar xuddi XI-XII asrlardagi mashhur kutubxonalar singari fanlar bo'yicha joylashtirilib, maxsus sandiqlarda saqlangan. Shak-shubha yo'qki, barcha kitoblar faqat hisobga olish uchun emas, balki yaxshiroq foydalinish uchun himoyalangan.

1403-yilda Samargandga tashrif buyurgan Ispaniya elchisi Ryui Gonzales de Klavixo o'zining kundalik daf-tariga kutubxona to'g'risidagi ayrim ma'lumotlarni qayd qilgan edi. 1863-yilda venger sharqshunosi Arminiy Vamberi Markaziy Osiyo bo'ylab sayohat qilar ekan, Samargandda mashhur arman-yunon kutubxonasining «izlari»-ni topishga intildi. Markaziy Osivoni Rossiya bosib olgandan keyin ko'pgina sharqshunoslari va turli mamlakatlarning olimlari o'z nazarlarini Amir Temurning mashhur kutubxonasiga qaratdilar, uning taqdirini biliishga qiziqdilar. Turkiya poytaxti Angarada istiqomat qilayotgan armanlar 1868-yilda Samargand va Buxoro arman-yunon kutubxonasini topish to'g'risidagi iltimos bilan hukumatga murojaat qildilar. Bu kutubxonani Amir Temur Armanistondan olib kelgan edi. Rus diplomati N.

Stremouxovdan Turkiston general-gubernatori Kaufman nomiga o'sha yili arman arxiepiskopi Sarkisyamning xati tushgan bo'lib, unda Temur kutubxonasini izlab topish choralarini ko'rishni iltimos qilgan. Xatda aytilishicha, mazkur kutubxona tarkibida ossuriyalik Marabas Godin-ning qo'lyozmalari bor edi. Stremouxov Samargandga kelgach, mazkur kutubxonaning ayrim qo'lyozmalari hali ham xususiy shaxslarda ekanligini aniqladi. O'sha yiliyoq Tashqi ishlar vazirligining Osiyo departamenti direktori nomiga yozilgan xatda general-adyutant A. P. Ignatyev Amir Temur kutubxonasini izlab topishni iltimos qildi. Bu kutubxona so'ngi vaqtgacha Samargandda yoki uning yaqin atrofida saqlanmoqda, deb hisoblanardi.

Zarafshon uyezdining boshlig'i general Abramov general-gubernator K.P. Kaufmanning buyrug'i bilan jiddiy qidirish ishlarini olib bordi. Samargand kutubxonasing mavjudligi to'g'risidagi ma'lumotlarni qo'lga kiritdi, buning uchun ko'plab qariyalarni sinchiklab so'roqqa oldi. Oradan sakkiz oy o'tgandan keyin Abramov Kaufmanga: «Samargandning aholisi Temur kutubxonasini faqat mahalliy kitoblar orgali biladi, lekin kutubxona rasadxona huzurida saqlanmoqda», deb xabar berdi.

Turkistonlik taniqli bibliograf va Markaziy Osiyo tarixining katta bilimdoni N.V. Dmitrovskiy Temur kutubxonasing tarixi haqida ma'lumotlar to'plagan bo'lib, u Samargandga mashhur arman kutubxonasi va Mirabas Godinning qimmatli qo'lyozmalari tashib ketilgani haqida yozgan edi. N. V. Dmitrovskiy shu narsani qayd qiladiki, Samargand olingandan keyin armanlar general Kaufmanga Markaziy Osiyoda bu qo'lyozmalardan ayrimlarini qidirib topishni iltimos qilgan. N. V. Dmitrovskiy kutubxona tarixiga katta qiziqish bilan qarab, «Samargand kutubxonasi» (Bibliografik ekskursiya) nomli maxsus magolani bosmaga tayyorlagan, unda Temur kutubxonasi to'g'risidagi batafsil ma'lumotlarni bayon qilgan. Biroq bunday maqola bosilib chiqmadi.

1873-yilda inglez Yevgeniy Skayler chor Rossiyasi bosib olgan Turkiston bo'ylab sayohat qilar ekan, Buxoro va Qo'qonda bo'ladi, shuningdek, Temur kutubxonasi bilan qiziqib ko'radi. Skayler Buxoro kutubxonalaridagi ma'lumotlar asosida quyidagicha yozadi: «Men mashhur Temur kutubxonasi hali mavjuddir, deb o'ylashimga asos bor. Bu yerda amirning xazinasida ko'pgina kitoblar borki, ularning tili buxorolik mullalarga tanish emas, shu sababdan kitoblar e'tibor berilmasdan yotibdi: ular Qarshida ham bor». U Qarshida bo'lган vaqtida amirning boy kutubxonasi bilan tanishish imkoniga ega bo'lмаганidan afsuslanardi.

1889-yilda taniqli inglez adibi Makenzi Uolles Zakanpiy viloyatida bo'lgach, Samarcandga kelib Temurning kutubxonasini sinchiklab izlab ko'radi, lekin «shaharni yoppasiga axtarib, hech narsa topa olmaydi».

Temur kutubxonasining keyingi qidirishlari mashhur rus arristolisti A.L.Kun (1840-1888)ning ishlari bilan bog'liqdir. U Turkistonga 1868-yilda xizmatga kelgan bo'lib, uning muhim vazifalaridan biri – Temurning mashhur kutubxonasini qidirib topishdan iborat edi. Sharq tillarini yaxshi bilgan Kun mahalliy yozma manbalardan bemalol foydalanan va kutubxona to'g'risidagi og'zaki hikoyalami to'plardi. Lekin A.L. Kun kuch-q'ayrat sarflashiga qaramay, Temur kutubxonasi to'g'risida hech qanday aniq ma'lumotlar to'play olmadi, uning ko'p vaqtি mullalar va Samarcandning boshqa ma'lumotli kishilari bilan suhbatlar o'tkazishga sarflandi. Biroq u Temurning kutubxonasini topish umididan voz kechmadi. Uning taxminiga ko'ra, mashhur kutubxonanining barcha kitoblari hali yo'q bo'lib ketmagan, ayrim qo'lyozmalar esa mahalliy aholining qo'lida saqlanayotgan bo'lishi mumkin. A.L. Kun mullalar va imomlar qo'lida «Tarixi Narshoxi» («Buxoro tarixi»), «Tavorix Mir Baraki» kabi ancha nodir qo'lyozmalar borligiga ko'zi tushadi, ulardan keyingisida Botuning Rusga qilgan yurishi tasvirlangan edi. Shuningdek, boshqa

ko'pgina qo'lyozma asarlar ham borligi ma'lum bo'ladi. 1870-yilda Kun «Kavkaz» gazetasiga tayanib, «Armanlar o'rtasida shunday rivoyat targalganki, unga ko'ra Temur Armanistondan ko'p miqdordagi kitoblarni Samargandga olib ketgan va bu kitoblar bir minoraga joylashtirgan va hozir ham o'sha yerda saqlanmoqda», deb yozadi.

XX asrning boshlarida Temurning kutubxonasi bilan turkistonlik publisist D. N. Lagofet qiziqib goldi. Uning yozishicha, Temur hukmronlik qilgan dastlabki yillarda kutubxona Shahrisabzda bo'lган, keyin Samarqandga ko'chirilgan. So'ngra Lagofet Klavixo va buxorolik tarixchi Kamoliddin Abdurazzoqning fikrlariga tayanib, Samarqanddag'i katta kutubxona 1448-yilgi qo'zg'olon vaqtida ancha shikast ko'rganligini ma'lum qilgan. Samarqandni Shayboniyxonning ko'chmanchi otryadlari bosib olgan vaqtda kutubxona talon-taroj qilinadi va uning qoldiglari 1580-yilda Buxoroga olib ketiladi va amirning Mashhadga qilgan yurishida qo'lga olingan kitoblarga qo'shib yuboriladi. 1860-yilda kutubxona Qarshi shahriga keltiriladi. Lagofet general Jo'rabeckning hikoyalari havola qilingan holda mo''jaz rasmlar (miniatyurlar) bilan bezatilgan ko'p miqdordagi qo'lyozmalar Qarshidan Buxoroga tashib keltirilgan, deb qayd qilgan. Devonbegi Ostanaqulning fikricha, amirning Buxorodagi kutubxonasida xitoy, uyg'ur, arab, fors tillarida, shuningdek, pushtu va rus tillaridagi qo'lyozmalar bo'lgan. Maqolaning oxirida, Lagofet amir kutubxonasing qimmatli tomonlarini qayd etish bilan birga, «Temur kutubxonasi to'g'risidagi barcha ma'lumotlarni to'plash hozir ham kech emas», deb ugtiradi. 1911-yilda «Turkestanskie vedomosti» gazetasida ismi ko'rsatilmagan bir muallifning Temur kutubxonasi haqidagi xabari bosilib chiqadi. Muallif moskvalik mashhur feletonchi «Pavuk-Vovchenkov»ning maqolasiga tayanib, Samarqandda eshitgan bir afsona haqida hikoya qiladi. Afsonada ma'lum bo'lishicha, «Temur kitoblarni juda sevar va shu sababdan dunyoda eng katta kutubxona tashkil

etgan emish. U o'limi yaqinlashayotganini his qilgach, kutubxona haqida ko'proq qayg'ura boshlabdi. Kitob durdonalari nodon merosxo'rlar qo'liga tushib qolishidan qo'rqiб, kutubxonani shahar yaqinidagi g'orga yashirib qo'yib, uning ustiga qo'yidagicha dahshatli la'natlovchi so'zlarni bitgan ekan: «Yer yuzida yomonlik va jaholat yo'q bo'lib ketmas ekan, kutubxona kitoblariga qo'l tekkizmaslik lozim». Temur bir yilda bir necha marta, ayniqsa, yangi oy chiqqan vaqtida kutubxonani borib ko'rib kelar ekan. U tashrif buyurganda shamoldan yer yuzidagi ahvolni so'rab-surishtirar ekan. Yovuzlik va nodonlik xalq orasida hamon hukmron ekanligiga ishonch hosil qilgach, g'azabidan oyog'i bilan shunday tepar ekanki, bundan butun yer yuzi larzaga kelarkan...». Hikoya muallifi bu afsonaga unchalik ishongiramaydi. «Afsona shak-shubh-asiz qiziqarli, lekin uning tabiiy holda shunday bo'lishi shuhhalidir». Bundan ko'rinish turildiki, 1868-yildan 1911-yilga qadar mashhur kutubxonaning izlarini aniqlashga muvaffaq bo'linmagan.

Temur kutubxonasidan bizning kunlarimizgacha saqlanib qolgan birdan-bir qo'lyozma – bu Usmon Qur'onidir. U pergament qog'ozga kufiy yozuvida ko'chirilgan. A.L. Kun mazkur qo'lyozmani Temur kutubxonasingning eng yaxshi bezagi deb hisoblagan. Usmon qur'oni Rossiya Markaziy Osiyoni bosib olgandan keyin samarqandning Xo'ja Ahror masjitida saqlangan. 1869-yilda mazkur Qur'on nusxasi borligidan qo'shin starshinasini Serov xabar topib, Zrafshon okrugining boshlig'i general-mayor Abramovning buyrug'i bilan qadimgi qo'lyozmalar to'g'risidagi ma'lumotlami to'plab yurardi. Serov Xo'ja Ahror masjitida Qur'on saqlanayotganini masjitda ko'p muxlislar to'plangani sababli bilib oladi. So'ngra bu Qur'on musulmonlar uchun ahamiyatsiz narsa, uni hech kim o'qiy olmaydi, Xo'ja Ahror masjiti imomlari ham unga bu kitobni sotishga rozi ekanligini ma'lum qiladi. Qur'on general-mayor Abramov tomonidan 125 so'mga sotib olinadi va Toshkentga yuboriladi. Kaufman

uni Buxoro amirining vakili Yahyoxo'jaga ko'rsatganda, u Temur kutubxonasining birdan-bir saqlanib qolgan qo'lyozmasidir, deb tasdiqlaydi. Kutubxonaning qolgan kitoblari esa mazkur mamlakatdagi o'zaro qonli urushlar vaqtida nobud bo'lган edi.

1876-yilda Kaufman Qur'onni Sankt-Peterburgdagi imператор xalq kutubxonasiga topshiradi. Kutubxonaning 1904-yilgi ishi haqidagi hisobotida Samargandning kufiycha Qur'oni kutubxonaning sharq bo'limida eng muhim boylik ekanligi aytilgan edi. 1887-yilda Usmon Qur'onini Sankt-Peterburg xalq kutubxonasida samargandlik savdogar va qadimgi narsalarni to'plovchi Mirza Buxarin ko'rib qoladi.

Mirza Buxarin Sankt-Peterburgdagi xalq kutubxona-sida turli xalqlarning bir necha yuz ming qadimgi va yangi kitoblari hamda qo'lyozmalarini ham ko'radi. Bu yerda Alisher Navoiyning asarlari, «Shohnoma», «Ravzat assafo» va boshqa tarixiy asarlarning qo'lyozmalari, shuningdek, mahalliy xonlarning yorliqlari saqlanardi. Kutubxonda arabcha, forscha, turkcha va boshqa tillardagi lug'atlar ham bor edi. Mirza Buxarin Qur'onning juda ehtiyotlab, xuddi yangidek saqlanganini ko'rib qayratlanadi: «Xuddi yangidek, butun zarhal bilan bezatilgan holda oyna tagida q'ilofda turibdi», deydi u.

Usmon Qur'oni bilan mashhur rus san'atshunosi va qadimgi sharq qo'lyozmarlarining katta ixlosmandi V.V. Stasov ham qiziqib qoladi. 1886-yilda u Sankt-Peterburg kutubxonasiga VIII asrning arabchada yozilgan Qur'oni keltirildi, juda katta hajmdagi bu kitob Samarganddag'i bosh cherkovga mansub bo'lган...» deb yozgan edi. Taniqli sharqshunoslar V.V. Bartold va Krachkovskiyning fikricha, bu kufiychada yozilgan Qur'onlar I-II asrdagi hijriy hisobda bo'lib, qo'lyozma to'plamlarda kamdan-kam uchraydi, Usmon Qur'oni ham ana shu davrga mansubdir. Usmon Qur'oni rus sharqshunosi A.F. Shebuniy tomonidan sinchiklab o'rganib chiqilgan. U

kitobning sirtqi ko'rinishini, mazmunini tasvirlab beradi va yoshini hamda kelib chiqish joyini aniqlaydi. XIX asrning oxirida Sankt-Peterburgda Qur'onning tabiiy hajmdagi faksimile nashri amalga oshiriladi. «Uning hajmi juda katta bo'lib, og'irligi bir yarim pud kelardi», deb yozgan edi «eski kitobshunos» F. Shilov.

Sho'ro hukumatining dastlabki yillarida Markaziy Osiyo musulmonlarining iltimosi bilan Usmon Qur'oni Toshkentda saqlash uchun qaytarib keltirildi. Ibn Beytarning «Farmakopeya»sinining arabcha qo'lyozmasi katta qiziqish uyg'otadi, uni N.F. Petrovskiy sharqshunos V.R. Rozenga hadya qiladi. Unda mazkur qo'lyozmaning mashhur Temur kutubxonasiaga mansub ekanligidan dalolat beruvchi yozma mavjuddir. Bu ma'lumotlarni xabar qiluvchi (muallif) mazkur kutubxonaning qolgan qo'lyozmalari va boshqa kitoblari bu mamlakatda bo'lib turgan o'zaro urushlar vaqtida nobud bo'lgan, deb hisoblaydi. Ayniqsa, 1448-yilda Eralibekning temuriylarga qarshi ko'targan isyonini vaqtida ko'p kitoblar yo'q bo'lib ketgan. Buxorolik tarixchi Kamoliddin Abdurazzoq o'zining «Matla as-Sadayin» nomli kitobida bu haqda quyidagilami yozgan: «Kitoblar va qo'lyozmalarning sahroyi chavandozlar ko'z o'ngida hech bir qimmatga ega bo'lmasdan o'z joyidan uloqtirib tashlangan va oyog'osti qilingan».

Kutubxonaning qoldiqlari 1560-yilda Buxoroga tashib ketilgan va Mashhaddan keltirilgan kitoblar bilan to'ldirilgan.

Temuriylar davrida Samarganddagi ulkan kutubxona bilan bir qatorda boshqa saroy kutubxonalari ham bo'lgan. Ulardagi kitoblar, chamasi Samarganddagi kutubxona kitoblaridan kamroq bo'lsa ham, ular qimmatli kitob xazinasini hisoblangan.

Ayrim amirlar, hukmdorlar va oliy tabaga vakillari ancha boy va qimmatli kitoblarni o'z ichiga olgan kutubxonalariga ham ega edilar. Ko'p sonli masjidlar, madra-

salar, xonaqolar, humatli zotlarning dafn etilgan maqbaralarida ham kutubxonalar bo'lardi.

O'sha davrlarda ko'pchilik kitobxonlar uchun ancha qulay, jamoatchilik kutubxonalariga o'xshash kutubxonalar ham bo'lgan. Ana shunday kutubxonalardan biri mashhur shayx Muhammad Porsoning (1419-yilda vafot etgan) Buxoroda tashkil etilgan kutubxonasıdır. XV asrning boshlarida tashkil topgan mazkur kutubxonadagi turli nomdagi qo'lyozmalar soni, ayrim tarixiy ma'lumotlarga qaraganda, qariyb yuz ming nusxdadan iborat bo'lgan. Albatta, bu raqam oshirib ko'rsatilgan bo'lishi mumkin, biroq bu kutubxona Makka, Madina va boshqa shaharlardan keltirilgan kitoblar bilan to'ldirilgan, ularni Muhammad Porso o'z safarları vaqtida to'plagan. Uning bu to'plagan kitoblarining ko'pchiligi Sharqdagi turli mamlakatlarda undan oldingi davrlarda va u hayot vaqtida yozilgan asarlar edi. Mazkur kutubxona etikaga, tarixga doir g'oyat nodir va qimmatli asarlar ham topildi. Unda mashhur faylasuf, filolog va tabib Ibn Miskaveyxning (421-1030 - ilda vafot etgan) qalamiga mansub jahon tarixi saqlanadi. Bu tarixiy asarning birinchi jildi sho'ro davrida, 1924-yilda Qozon shahridan topilgan. Kitob Buxoroda bitilgan bo'lib, unda geograf Ibn Yoqutning o'z qo'li bilan hijriy 600-yilda yozilgan dasxati bor. Badiiy kitoblar orasida Abu Tamanning (hijriy 729-yili) qo'lyozmalari ham uchraydi. Sharqshunos A.E. Shmidtning fikriga qaraganda, bu yerda jahon tarixinining uchinchi jildi ham bo'lgan. Ibn Miskaveyx qalamiga mansub bu kitob qo'lyozmasi 227 varaqdan iborat bo'lib, 104-109 (hijriy 722-305) yillarni qamrab olgan edi. Mazkur kutubxona kitoblari va qo'lyozmalari O'zbekiston Fanlar akademiyasining Sharqshunoslik institutida saqlanadi. Ular Buxoroning Markaziy kutubxonasi va Markaziy Osioning boshqa kutubxonalarida ham mavjud edi.

Kutubxonada bo'lган kitoblarning tarkibiga qarab Muhammad Porsoning madaniy qiyofasini aniqlab olish

mumkin. U Markaziy Osiyodagi isloh qilingan sufizmning rahbari va o'z davrining yirik siyosiy arbobi edi. Uning o'zi ham bir qator mustaqil asarlar yozganligi ma'lum. Ko'pgina kitoblarining qo'lyozmalari sahifalariga o'zining rombsimon muhrini ham bosgan. Bu kutubxonaga ko'plab ma'lumotli kishilar va ma'rifatli shaxslardan vaqf yo'li bilan ham ko'p miqdordagi qo'lyozmalar kelib tushgan. Afsuski, bu kutubxonadagi ko'pgina qo'lyozmalar o'g'irlab ketilgan. Ular jahoning turli kitob o'mborxonalariga tarqalib ketgan. Mashhur kutubxona o'zidan darak berib turadi. 1955-yilda «Pravda Vostoka» gazetasida ma'lum qilinishicha, hatto 1930-40-yillarda Buxorodagi Muhammad Porso kutubxonasining muhri bosilgan ayrim qo'lyozma nusxalar yoyma bozorda sotilgan.

Kutubxonalarning shundan keyingi yanada rivojlanishi Amir Temurning merosxo'rлari, xususan, nabiralari davrida sezilarli tus oldi. Shu narsa ma'lumki, Ulug'bekning Samarqandda hukmonlik qilgan yillarida madaniy yuksalish sezilarli dara jada o'sgan. Kutubxonalar va xususiy shaxslarning kitob joyonlari ilmlarning turli sohalariga doir kitoblar bilan to'ldirilip borilgan. Buxoroning kutubxonalarini ham yangi-yangi kitoblar bilan boyigan. Ayniqsa, Ulug'bekning Samarqanddagagi mashhur rasadxonasidagi kutubxona ajoyib bo'lib, u 1428-29-yillarda tashkil etilgan, ichki tamoni turli naqshlar bilan bezatilgan ko'p qavatli bu bino bo'lib, fazo tuzilishini eslatgan. Rasadxona huzuridagi kutubxona o'sha davr nuqtai nazaridan anchagina kitob jamg'amasiga ega edi, ya'ni unda ilm-fanning turli sohalarini bo'yicha 15 ming jilddan ortiq turli kitoblar saqlanardi. Ko'plab asarlar orasida Ulug'bekning o'zi tuzib chiqqan yulduzlar jadvali juda mashhur edi. Kutubxonada Amir Temunning mashhur kutubxonasidan olingan kitoblar ham saqlanardi, desak xato qilmagan bo'lamiz. Ulug'bekning o'limidan keyin sevimli shogirdi Ali Qushchi hayoti xavf ostida qolganligini bilib, rasadxonani tark etishga va yashirinishga majbur bo'ladi. Zamondoshlarining bergen

xabariga qaraganda, Ali Qushchi Samarganddan jo'nab ketar ekan, o'zi bilan birga bir qancha qo'lyozma kitoblami, shu jumladan Ulug'bek tomonidan yozilgan Astronomik jadvaliga yozilgan so'z boshini olib ketgan. Ulug'bek kutubxonasining asosiy jamg'armasi qayerda saqlangan hozirga qadar aniqlangan emas. Kutubxona qayerda joylashganligi: rasadxona ichidami yoki shahar bog'idi, Samargandning janubiy qismidagi saroydami yoki Darg'om yaqinidami, hech kim bilmaydi. Respublika gazetalarida kutubxonani qidirib topish haqidagi masala bir necha marta ko'tarib chiqildi. O'zbek olimlari kutubxonani qidirib topishni jadallashtirishga ko'pmarta da'vat qilib chiqdilar, toki hozirgacha saqlanib qolgan va ilm-fan uchun katta ahamiyatga ega bo'lган nodir qo'lyozmalarni yo'q bo'lib ketishdan saqlab qolish uchun kutubxonani qidirib topish ishlari 1962-yil oxirida boshlangan edi. Maxsus ekspedisiya bir yil mobaynida Niyoz Tepada, Hazrat Bashar qishlog'i yaqinida qizg'in ish olib bordi. Chunki bu joy Ulug'bekning shogirdi Ali Qushchi Samarganddan qochib borib joylashgan manzil edi.

Bizning fikrimizcha, ko'pgina asarlar hozirgi vaqtida ham ayrim shaxslarning qo'lida saqlanmoqda, bu haqda «Ulug'bek kutubxonasi qayerda yashiringan?» maqolasi muallifi ham fikr yuritgan. Maqolada aytishicha, uning muallifi faqat diniy kitoblarni emas, balki ilmiy mazmundagi ko'pgina eski qo'lyozmalarni ko'p marta ko'rishga muvaffaq bo'lgan.

XV asrda temuriylarning Xuroson davlatiga qarashli shaharlari madaniy jihatdan rivojlanishga erishgan. Shohruh (1409–1447) hukmronlik qilgan yillarda davlat poytaxti Hirot bo'lib, u yuksak darajada rivojlangan, Shohruh tarixiy asarlarga katta qiziqish bilan qaragan, Hafizi Abro'ning jo'g'rofiy asarini arab tilidan fors tiliga tarjima qilishni va uni boshqa manbalar bilan to'ldirishni topshirgan. 1417-yilda bu jo'g'rofiy asar tugallanishidan oldinroq Shohruhning topshirig'iga muvofiq jahon tarixi

bo'yicha ma'lumotlar to'plami tuzib chiqildi. Unga Tarobiy asarlari, Rashididdimming «Solnomalar to'plami» va Amir Temurning rasmiy tarixi kiritilgan edi. Shohruh saroyida juda katta kutubxona tashkil etilgan bo'lib, u yerda qo'lyozma kitoblar ustaxonasi ham bo'lган. Kutubxona va ustaxonada nafaqat kutubxona xodimlari, balki bu yerda filologlar, mo'jaz san'at ustalari, zarhalchilar, mugovachilar ham bor edi. Kutubxona xodimlari kitoblarga ishlov berish, tasvirlash va kitob berishdan tashgari qo'lyozma kitoblarining matnini o'rGANISH va badiiy jihatdan bezash ishlarini ham bajarganlar. Shohruhning o'g'li Boysunqur yozuvchilar, shoirlar, rassamlarga homiylik, yangi kitoblar yaratish sohasidagi ishlarga bevosita rahbarlik qilgan (1433-yilda vafot etgan). Saroydagi kutubxonada 1420-yilda Firdavsiyning «Shohnoma» dostonining yig'ma matni tuzib chiqilgan, keyinchalik esa dostonning ajoyib tarzda bezatilgan noyob nusxalari yaratilgan.

Hirot shahri Sulton Husayn Boyqaro hukmronlik qilgan yillarda (468-1506) madaniy jihatdan anche yuksaldi. Davlat poytaxti yana ham obod bo'lib, ko'plab ajoyib binolar, masjidlar, madrasalar, saroylar qurildi. She'riyat, tasviriy san'at, musiqa va boshqa sohalar gullab-yashnadi.

Sulton Husaynning saroyida ham katta kutubxona bor edi. Uning o'g'li Faridunning kutubxonasini ham undan qolishmas va anche yirik edi. Ajoyib xattot Xo'ja Nosir mazkur kutubxonanining mudiri bo'lib uzoq muddat ishlab turdi. Kutubxona xodimlari uchun maxsus qoidalar – yo'l-yo'riqlar tuzib chiqilgan edi.

Hirot madrasalaridagi kutubxonalarda faqat diniy kitoblar emas, balki ko'pgina dunyoviy adabiyot namunalari ham saqlanardi, madrasalarda o'rGANILARDI.

Madrasa va xonaqo kutubxonalarida diniy adabiyotlar bilan bir qatorda matematika, astronomiya, tarix, falsafa, adabiyot tarixi, musiqa bo'yicha ham kitoblar mavjud bo'lган.

XV asrda hukmdorlar, shayxlar va boshqa ma'lumotli kishilarning xonaki kutubxonalari bor edi. Bizga ma'-lumki, buyuk shoir va davlat arbobi Alisher Navoiy juda boy kutubxonaga ega bo'lgan. Bu yerda bir muddat mashhur rassom Xo'ja Muhammad ishlagan. U ixtiro qilgan soat Alisher Navoiyning kutubxonasiga qo'yilgan. Kutubxonadan ko'pchilik kishilar bahramand bo'lishgan. Mashhur tarixchi Mirxon (1498-yilda vafot etgan), uning nabirasi Xondamir (1535-yilda vafot etgan) va boshqa ko'plab olimlar va yozuvchilar Alisher Navoiy kutubxonasidagi qo'lyozmalardan samarali foydalanishgan. Alisher Navoiyning o'zi kitoblarni nihoyatda e'zozlar, ularga mehr-muhabbat bilan munosabatda bo'lar, dunyoda kitobdan uluqroq narsa yo'q, deb ta'riflar edi. U butun umri badalida kitoblar bilan doimiy va mustahkam do'st tutindi.

XV asrdagi kutubxonalar qoshida qo'lyozma kitoblarga badiiy ishllov beradigan zo'r xattotlar va mo'jaz san'at ustalari, ajoyib kitobat ustalari, muqovasozlar ishlagan. Kitoblarni xattotlik yozuvlari va mo'jaz san'at namunalarini (miniatyuralar) bilan bezatishda taniqli musavvir Kamoliddin Behzod ayniqsa ko'p ishlarni amalga oshirgan. Zahiriddin Muhammad Boburning ma'lum qilishi-chi, xattot Sultonali Mashhadiy har kuni Husayn Boyqaro uchun 30 baytdan ortiq va Alisher Navoiy uchun 20 baytdan ortiq she'r ko'chirar edi. O'sha davrda xattotlar qo'lyozmalarni ko'chirish sohasida juda yuksak mahoratga erishib, alohida bir yozuv turi bo'lgan nastaliqu o'zlashtirgan edilar. Muqovachilik ishi ham yugori san'-at darajasiga ko'tarilgan. Ma'lumki, Markaziy Osiyo hududida, hatto Somoniylar davrida ham kitoblarga muqovalar tayyorlanardi. Arablar istilosini muqovachilik ishlariga ham o'z ta'sirini o'tkazdi. Hirotda XV asrda kitoblarni muqovalash ishlarida to'la-to'kis o'zgarish yasaldi: yangi-yangi va bir-biridan yaxshi usullar joriy qilindi.

SHAYBONIYLAR VA ASHTARXONIYLAR DAVLATLARIDA KUTUBXONALAR

XV-XVI asrlarda Sirdaryodan tortib Markaziy Afg'o-nistongacha bo'lgan juda katta hududda Shayboniyxonning ulkan imperiyasi tashkil topdi. Shayboniyxon shayboniylar sulolasining asoschisi bo'lib, bu yerda ham temuriylar davrida bo'lgani kabi madaniy an'analar saqlanib qolgan edi.

Movarounnahrda she'riyat va adabiyot, ilm-fan va san'at ancha rivoj topdi. Samarqand, Buxoro, Toshkent va Markaziy Osiyoning boshqa yirik shaharlari ko'plab shoirlar yashab ijod qildi, Markaziy Osiyo adabiy hayotining antalogiyasi hisoblangan Hasan Buxoriy Nisoriyning «Muzakkir al-ahbob», Mutribiyuning «Tazkirati shuaro» nomli kitoblari yuzaga keldi. O'zbek (turkiy) tilida ko'plab tarixiy asarlar yaratildi, «Tavorixi guzidai Nusratnom», Muhammad Solihning «Shayboniynoma» nomli qahramonlik dostoni, Zahiriddin Muhammad Boburning «Boburnom» va boshqa ko'pgina asarlar shular jumlasidandir.

Zayniddin Vosifiyning «Badan alviya», Fazlulloh ibn Ro'zbexon Isfahoniyning «Mehmonnomai Buxoro» nomli memuarlari dunyoga keldi.

Agar shayboniylar davrida ilm-fan unchalik rivoj topmagan bo'lsa ham, tibbiyot sohasida bir qadar siljishlar bo'lди.

Madaniyatning rivojlanishi kutubxonalarining yanada o'sishini taqozo etdi, lekin bu kutubxonalarni hajm va

mazmun jihatidan oldingilariga tenglashtirib bo'lmasdi. Bu davrda saroy kutubxonalar bilan bir qatorda madrasalar, masjidlar qoshida hamda xonadonlarda ham kutubxonalar rivojlandi.

Shayboniyxon (1451-1510) va uning vorislari adabiyotga va ilm-fanga bir müncha homiylik qildilar. Hirotlik taniqli va iste'dodli shoirlar, xorazmlik Muhammad Solih va hirotlik Kamoliddin Binoiy Shayboniyxon saroyida xizmatga o'tdilar. Shayboniyxon o'z davriga yarasha anchagina ma'lumotli kishi edi. Uning o'zi o'zbek va fors tillarida she'rlar bitgan, o'zbek tilida «Bahr al-xudo» nomli asar yozgani ma'lum.

Shayboniyxon xattotlikka katta e'tibor berdi, uni ko'pgina boshqa masalalar ham qiziqtirardi. «O'zining butun harbiy hayatiga qaramasdan, – deb yozgan edi A.A. Semyonov, – u qaysi shahar va qishloqda bo'lmasin, qayerda to'xtanasin, olimu ulamolar, so'fiylar va shoirlar bilan suhbatalashishni yoqtirardi».

Shayboniyxon hukmronlik qilgan davrda uning saroyida kutubxona bo'lib, unda o'z qalamiga mansub asarlari ham, uning ishtirokida tuzilgan to'plamlar ham saqlanganardi. Masalan, «Tavorixi guzidai Nusratnama» (Tanlangan asarlar, talabalar kitobi) shular jumlasidandir.

Ayrim kutubxonalarda, Shayboniyxonning Samargand-dagi madrasasida qo'lyozmalar avaylab saqlangan, ular orasida ancha-müncha nodir qo'lyozmalar ham bo'lган.

Shayboniyxonning vorislaridan – uning amakivachchasi, shoир Ubaydullaxon Ubaydiy (1533-1589) ayniqsa katta kutubxonaga ega bo'lган. Bu kutubxonadagi noyob qo'lyozma hisoblangan «Kulliyoti Ubaydiy» nihoyatda chiroyli qilib bezatilgan bo'lib, bizning kunlarimizgacha yetib kelgan va hozirda O'zbekiston Respublikasi Fanlar akademiyasining Sharqshunoslik instituti qo'lyozmalar fondida saqlanadi.

Shuni ham aytish kerakki, ayrim kutubxonalar huzurida turli asarlarni boshqa tillardan o'zbek tiliga tarjima

qilish ishlari ham keng ko'larda olib borilgan. Bu sohada Buxorodagi Abdulazizzon kutubxonasi ajralib turgan, kitoblar o'sha davning mashhur xattotlari Mirali Xiraviy va Ahmad al-Husayniy ishtirokida tayyorlangan.

Abdullaxon II kutubxonasi ham ma'lum darajada mashhur bo'lgan, bu kutubxonada uzoq yillar mashhur xattot Mir Husayn al-Husayn boshchilik qilgan. Yirik kutubxonalarda tajribali musavvirlar va muqovasozlar ham ishlashar, kitoblar o'sha vaqtarda ancha keng taraqqiy etgan Markaziy Osiyo mo'jaz san'ati namunalari bilan chiroyli qilib bezatilgan. Ko'pgina yirik asarlar, chunondi, «Fathnoma», «Tarixi Abdulkayrxon», 1521-yilda Alisher Navoiy asarlarining ro'yxati ana shunday original tarzda bezatilgan va 1562-1563-yillarda muqovalangan. «Tavorixi guzidai Nusratnoma» va boshqa asarlar ham shunday miniatyuralar bilan bezatilgan hamda ishlangan.

Shayboniyalar davrida bo'lgani kabi, joniylar sulolasi davrida Buxoro xonligida musulmon dini xalq hayotiga katta ta'sir ko'rsatdi. Bu vaqtda aniq va tabiiy fanlar birmuncha tanazzulga uchradi. Ulug'bek va uning Samarganddagi rasadxonasida ishlagan Ali Qushchi kabi mutafakkirlar yetishib chiqmadi. Shunga qaramasdan ilohiyotchilar orasida o'zining olimlik faoliyati bilan shuhrat qozongan Oxund Muhammad Sharif singari shaxslar bor edi. Manbalar taniqli olim, shoir va faylasuf Yusuf Qorabeginning ham nomini, yirik qonunshunos, «Yashiringan narsalar haqida risola» nomli mashhur asar mualifi Nasriddin Buxoriyning nomini ham saqlab qolgan.

Ashtarxoniylar sulolasi davrida esa madaniyat rivojlandi, adabiy yozma yodgorliklar yaratildi. Sayido Nasafiy, Turdi va boshqa ko'pgina shoirlar xalq orasidan yetishib chiqdi. 1692-yilda 200 nafar adabiyot arbobi to'g'risidagi she'riyat antologiyasi tuzib chiqildi. Joniylar davlatida qo'lyozma kitoblarni bezatish ishlari takomillashdi, bu vaqtda ko'plab xususiy kitob to'plamlari va kutubxonalari paydo bo'ldi. Samargand va Buxoroda yugori sifatli yozuv

qog'ozı paydo bo'lğanligini, bu ish Abdulazizzon (1645-1680) hukmronlik qilgan davrda mukammal darajaga yetganligini, bu esa ma'lum darajada adabiyotning rivojlanishi va keng targalishiga sabab bo'lğanligini quvond bilan aytib o'tish kerak.

Ma'lumki, Buxoroda qo'lyozma kitoblar toplash bilan Abdulaziz va uning ukasi shoir Subhonqulixon ham qiziqardi. Uning davrida Buxoroda shifoxona (dor ush-shifo) qurilgan, uning huzurida tibbiyot va ilmiy kitoblarga ega bo'lğan kutubxona ham shuhrat qozongan. Subhonqulixon hukmronligi davrida ancha-muncha qo'lyozma to'plamlarini o'z ichiga olgan jamoat kutubxonasi ochilgan. U o'zining ancha batafsil yozilgan «Ixna attab Subhoniy» («Subhonqulixon tibbiyotni jonlantirishi») nomli tibbiy asarini yaratishda mazkur kutubxonadagi adabiyotlardan har tomonlama foydalangan. O'zbekiston Fanlar akademiyasining Sharqshunoslik institutida Subxonqulixonning kutubxonasidan bir nechta kitoblar va o'sha davrga oid tibbiy qo'lyozmalar saqlanadi, ularni xorning o'zi tuzib chiqqan yoki unga bag'ishlangan.

Kutubxona huzurida qo'lyozma kitoblarni ta'mirlaydigan ustaxonada musawirlar, xattotlar va shikastlangan kitoblarni asl holiga keltiruvchi va tiklovchi mutaxassislar ish olib borishgan. Mo'jaz san'at maktabi mavjud bo'lib, unda o'z davrining mashhur ustalari Mahmud murzib, Abdulla og'a va boshqalar ishlaganligi ma'lum.

Kutubxonalar tez-tez bo'lib turadigan saroy to'ntarislari, bosqinchilik va o'zaro unushlardan zarar ko'rар, masjid va madrasalar buzilar va yozma yodgorliklar yo'q qilinap yoki tashib ketilar edi. Biz yugorida 1448-yilda bo'lğan qo'zg'olon vaqtida Samargand saroy kutubxonasining yo'q qilingani haqida gapirgan edik. 1451-yilda, Abdulloh hukmronligi davrida poytaxtga yana Abulkayrxon va Abusaidxon to'dalari bostirib kiradi. Buxorodagi kutubxona unush va yong'inlardan shikast ko'rish bilan bir qatorda bosib olingen shaharlardan olib kelgingan kitoblar va qo'lyozmalar

bilan to'ldirib borilar edi. Masalan, 1560-yilda kutubxona Ubaydullaxon va Abdumo'minxonlar hukmronligi vaqtida ikki marta talangan Mashhad shahridan keltirilgan qo'lyozmalar bilan to'ldirilgan. Shundan keyingi yillarda ham ma'naviy madaniyat boyliklari xazinalarini talon-taroj qilish davom etdi. Buxorodagi o'zaro urushlar vaqtincha to'xtatilgandan keyin ham kitob omborlaridagi kitoblarining goldiqqlari, amir Nifullaxon hukmronligining oxirida Shahrisabz, Kitob va Hisor kutubxonalaridagi kitoblarining goldiqqlari Qarshi shahriga tashib keltirilgan.

XVIII-XIX ASRLARDA BUXORO AMIRLIGI, XIVA VA QO'QON XONLIKALARIDA MADANIY HAYOT VA KUTUBXONALAR

XVIII asrda Buxoro amirligida, Xiva va Qo'qon xonliklarida madaniy hayot bir qadar orgada qolganligi, tarbiya va ta'linda din ta'sirining kudhayganligi bilan ajralib turar, qo'lyozma kitoblar, dunyoviy bilim beradigan kitoblar chiqarish sezilarli ravishda kamayib ketdi.

Shunga qaramasdan bu davlatlarda ancha-muncha qo'lyozma fondlariga ega bo'lган saroy kutubxonalarini va xususiy kutubxonalar saqlanib qoldi. Ular avvalgidek har xil mavzulardagi kitoblar va qo'lyozmalarga unchalik boy bo'lmasa ham, diniy adabiyotlar bir qadar ko'paygan va ular torroq doirada foydalanishga mo'ljallangan edi. Ayni vaqtida kutubxonalarda hikmatli va nodir qo'lyozmalar ham topilardi. Xonliklardagi ayrim amaldorlar ilm-fan va kitoblarga befarq qaror, shu sababli kitoblar va qo'lyozmamini saqlashga kam e'tibor berilar, ba'zi hollarda kitoblar shikastlanar, o'g'irlab ketilar, ayrim kitoblar kitob bozorlarida arzimagan pulga sotib yuborilardi.

Buxoro xonligida amirlarning kutubxonalariga ko'proc e'tibor berilardi. Jo'rabej va Qushbegi Ostonaqulning ma'lumot berishlaricha, kutubxonalarda qo'lyozma asarlar ko'p miqdorda saqlanardi. Amir kutubxonasida xitoy, uyg'ur, pushtu, fors, arab va boshqa tillardagi kitoblar ham bor edi. Kutubxona boshqa xazinalardan alohida saqlanardi. Bu kitob boyligiga maxsus saroy amaldori bo'lgan «kitobdor» boshchilik qilgan. Bu yerda kufiycha yozuvda chiroyli xat bilan bitilgan qadingi qo'lyozmalar (ulaming

orasida rasmlar ham ishlangan edi), ayrim urug'larning shajalarini to'liq aks ettiruvchi, hatto kelib chiqishi Iskandar Zulqarnaynga borib taqaladigan urug'larning tarixiga oid adabiyotlar ham bor edi.

Buxoro amiri Muzaffar hukmronlik qilgan yillarda (1860-1868) bu yerdagi kutubxona tanazzulga uchradi. Biz kutubxonaning qanday ahvolga kelib qolganligi haqida rus sayohatchilarining, xususan, Buxoroga Rossiya protectorati o'matilgan dastlakki yillarda tashrif buyurgan N.P. Stremousovning ma'lumotlaridan bilamiz. Uning yozishicha, kutubxona kichkina zax yerto'la binosida joylashtirilgan bo'lib, qo'lyozmalar va boshqa kitoblar namlikdan turli zarakunandalar va kemiruvchilar tomonidan ancha-muncha shikast topgan. Buxoroliklarning fikricha, bu kutubxonadagi kitoblarning ma'lum qismi Temur kutubxonasiaga mansub bo'lib, bir vaqtlar Samarganddan Buxoroga keltirilgan.

Amir Muzaffar o'z kutubxonasi dagi kitoblar bozorda arzon narxlarda sotilayotganini bilar, ayni paytda o'zi ham qimmatli qo'lyozmalarni o'z amaldorlariga sovg'a qilib yuborar edi.

Feodalizm tarafdori bo'lgan amir Muzaffar mashhur sharqshunos olim A. E. Shmidtning taniqli kutubxona-shunos I.Odilov fikriga asoslanib aytishicha, ayrim buxorolik olimlarning erkin fikr bildirishidan xavotirlanib, ular bunday zararli g'oyalami, ya'ni davlat negiziga putur yetkazishi mumkin bo'lgan g'oyalarni qo'lyozma to'plamlardan o'z maqsadlari yo'lida foydalandilar, deb hisoblardi. Shu sababli amir Muzaffar qozikalon Sadriddinga ayrim madrasa kutubxonalaridan va xususiy to'plamlardan, masalan, Muhammad Porsoning to'plamlaridan zararli qo'lyozmalar va kitoblarni tortib olish hamda yo'q qilishni buyurgan. Biroq qozikalon o'qimishli, bilimdon, qo'lyozmalarning ahamiyatini tushungan kishi bo'lgani sababli tortib olingen kitoblar va qo'lyozmalarni yo'q qilib yubormay, o'z uyida to'playdi. Keyinchalik uning

kutubxonasi va bu qo'lyozmalar uning o'g'li, qozikalon Burhoniddinga o'tadi va uning qo'lida 1920-yilgacha saqlanadi. Ular bu yerda uzoq muddat qolib ketganligi bois qo'lyozmalarning bir qismi o'g'irlanadi, bir qismi yo'qoladi va chetga sotib yuboriladi. Shayx Muhammad Porso to'plamlaridagi qo'lyozmalar sobiq sho'ro kutubxonalaridan va ayrim chet mamlakatlar kitob omborlariidan topilishiga sabab ham ana shu.

Amir kutubxonasiga taniqli o'lkashunos va sharqshunos olim V.L.Vyatkin katta qiziqish bilan qaradi. Uning e'lon qilimagan va V.V. Bartoldga yo'llagan maktubidan ma'lum bo'lishicha, kitob ombori qarovsiz qoldirilgan, kitoblar butunlay tartibsiz, pala-partish saqlangan, qo'lyozmalar uchtaxonada joylashtirilgan. Kutubxonada kitoblar va eski qo'lyozmalarni mugovalash ishlari amalga oshirilmagan.

Bir muncha keyinroq, XX asrning boshlarida amirlar va o'sha vaqtdagi amaldorlar saroy kutubxonasiga befarq va napisandlik bilan munosabatda bo'lishgani haqida bizga qadimgi kitoblar va qo'lyozmalarni qadrlovchi shaxs bo'lgan Muhammad Kamol Muzaffarov ma'lum qilgan. Uning yozishicha, minglab qo'lyozmalar va boshqa kitoblar amir saroylarida mutlaqo qarovsiz ahvolda yotgan. Ayni vaqtda Muzaffarov shahardagi barcha kitoblarni to'plash va Buxoro shahrida katta kutubxona tashkil etish fikrini ilgari surgan. Muallif bu kutubxonada turk, qirg'iz, boshqird, rus va g'arbiy Yevropa kitoblari va qo'lyozmlarini bir joyga to'plash zarurligini qayd qilgan. Lekin u tez orada mahalliy jamiyatning «nodonligi va ilmsizligi» bunday foydali ishni amalga oshirishga g'oyat jiddiy to'siq bo'lyapti, degan xulosaga kelgan.

Kutubxonalarning ana shunday nochor ahvolda bo'lganligi va umuman madaniyatning bu vaqtda tushkun holatda ekanligining sabablaridan biri Chor Rossiyasi tomonidan Markaziy Osiyo yerlarining bosib olinishi bilan vujudga kelgan siyosiy vaziyatdir, deb hisoblaymiz.

Buxoro amirligining qulashi arafasida kutubxona Arkda joylashgan edi, unda ajoyib asarlar, qo'lyozmalardan iborat to'plamlar, shu jumladan amir Muzaffarning qo'lyozmalarini ham bor edi. Manbalarning tasdiqlashicha, amir kutubxonasi 500 ga yaqin qo'lyozma va bosma kitoblar, qimmatli qo'lyozma asarlar ham bo'lган.

Kutubxonalar ishi bilan qiziqqan A.A. Semyonov Buxoro amirlari kutubxonasi katta e'tibor bilan qaragan. U kutubxonadagi qo'lyozma fondlarining ahvolini sinchiklab kuzatgan va 1915-yilda kitob fondlarini bir munkha tartibga keltirishga va ruyxatlar tuzishga muvafafq bo'lган. Olim amirlar kutubxonasi «manuskriptlar va miniatyuralar bilan boy» ekanligini aniqlagan.

O'sha davrdagi Xiva xonlarining saroyidagi kutubxonalar ham diqqatga sazovordir. Tarixiy manbalarning guvohlik berishicha, xon Abulg'ozi Bahodirxon (1643-1663) taxtga o'tirmasdan ancha oldin begona o'lkalari bo'ylab kezib yurar ekan, ma'lum miqdordagi tarixiy asarlar qo'lyozmalarini qo'lga kiritadi, ularni o'qib o'rghanadi. Keyinchalik uning o'zi ham ko'pgina asarlar, shu jumladan turkiy xalqlar tarixi va madaniyati haqida hikoya qiluvchi «Shajarai Turk» va «Shajarai Tarokima» nomli muhim asarlarni yozib qoldiradi. Hozirgi vaqtida bu asarlar xalqimiz tarixini adabiyot va til tarixini o'rjanuvchilar uchun qimmatbaho manba hisoblanadi. Juda tushunarli va sodda tilda yozilgan mazkur asarlar mustaqillik davrida keng kitobxonlar ommasining mulkiga aylantirilib, nashr etildi.

Xiva xonlaridan Muhammad Rahimxon II (1865-1910) hukmronlik qilgan davrda uning kutubxonasi kitob va qo'lyozmalarga nihoyatda boy bo'lган. Xonning o'zi adabiyotni juda sevar va o'z kutubxonasi uchun ko'plab kitoblar va qo'lyozmalar to'plagan edi. Uning o'zi «Feruz» taxallusi bilan she'rlar yozgan, saroyida ko'pgina shoirlami to'plagan, ko'pgina she'riy to'plamlar yaratgan. Feruz rahnamolik qilgan vaqtida 30 shoimning asarlari to'planib, katta

hajmli she'riy antalogiya dunyoga kelishiga muvaffaq bo'lingan.

Markaziy Osiyo hududida birinchi marta o'tgan asrning 70-yillari boshlarida Xivada litografiya (tosh bosma) korxonasi tashkil etilgan, bu bosmaxonada Feruzning she'riy asarlari va boshqa shoirlarning to'plamlari ko'p nusxada chop etilgan. Ular tezda tarqalib, qo'lyozma kitoblar kabi nodir nashrlarga aylangan.

Xivada o'sha yillarda tarixga doir turli asarlarni boshqa tillardan turkiy (o'zbek) tiliga tarjima qilish borasida bir muncha ishlar amalgalashirildi. Bir qancha she'riy kitoblar ham tarjima qilinib, nashr etilgan.

Bu yerda kitoblarga qanchalik yuksak hurmat bilan qaralganidan shu narsa ham guvohlik beradiki, ko'pincha Xivaga kelgan yuksak martabali mehmonlarga, sayohat-chilarga qo'lyozma kitoblar, tosh bosmada chop etilgan kitoblarni hadya etishgan. Masalan, Xivaga fransuz A. Mozer tashrif buyurganda unga boshqa qimmatbaho sovg'alar bilan birga turkman shoiri Maxtumqulining she'riy kitobi sovg'a qilingan. Bu kitob A. Vamberining fikricha, Yevropada birdan-bir nusxadagi qo'lyozma bo'lgan.

Shuni aytish mumkinki, xon saroyidagi kutubxonasi asosini Abulg'ozzi Bahodirxonning o'zi yozgan asarlari va boshqa manbalar tashkil etgan.

Xiva xonlarining saroy kutubxonasi to'g'risidagi ma'lumotlar 1873-yil Xivaga yurishdan keyin yanada to'ldirildi, o'sha yili 29-may kuni rus otryadi xonlik poytaxtini egalladi. 12-avgustda esa Xiva xoni sulk shartnomasiga imzo chekib, o'zining rus hukumatiga buysunishini e'tirof etdi. Rus qo'shinlarining Markaziy Osiyo hududiga bostirib kirishi bilan madaniy boyliklar, shu jumladan qo'lyozmalar ham ularga to'plab berildi. Rus geografiya jamiyatining tashabbusi bilan Xiva xonligini geografik, etnografik va madaniy jihatdan tadqiq qilish sohasida ko'p tomonlama dastur ishlab chiqildi.

Xonlikda katta miqdordagi kitob boyligiga ega bo'lgan kutubxona borligi dasturda qayd qilindi. Kitob bozorlari-da fagat diniy ruhdagi kitoblar emas, shu bilan birga dunyoviy mazmundagi nasriy va she'riy asarlar bilan ham savdo qilinardi. Shuningdek, dasturda gozilar va ulamolar qo'lida qo'lyozma kitoblar borligi ham aytib o'tildi. Buyuk o'zbek shoirlari, olimlari va mutafakkirlari – Alisher Navoiy, Abu Rayhon Beruniy va boshqalarning asarlarini qidirish zarurligi alchida qayd etildi. Ulaming asarlari «nihoyatda kamyob asarlar bo'lib, ularni qidirib topish katta baxt hisoblanadi», deyilgan edi dasturda.

Xivaga yurish vaqtida sharq qo'lyozmalarini to'plash va saqlashda orientalist Aleksandr Lyudvigovich Kun ayniqsa faollik ko'rsatdi. Saroy taslim bo'lgan kunning ertasiga u kitob va qo'lyozmalar saqlanadigan ombordan 300 ta kitobni tortib olgan bo'lib, ular turli mazmundagi kitoblar edi. Bu kitoblarning ko'plari fors tilidan Xorazm turkiy tiliga Qo'ng'irot sulolasi xonlari davrida ag'darilgan kitoblar edi. Bu kitoblar orasida 140 jilddan iborat tarixiy asarlar, sharq shoirlaridan 20 muallifning 30 jiddlik asarlari, huquqiy-ilohiy mavzudagi 40 nomli 50 jiddlik asarlar, 18 nusxa Qur'on kitobi va 50 ta turli darsliklar bor edi. Tarjima qilingan asarlardan tashqari asarlarning asl nusxalari ham mavjud edi, ayniqsa Yunus Mirobning «Xiva xonlari tarixi» nomli asari e'tiborni o'ziga jalg qilardi, u Iltuzarxon davridan boshlab Xiva davlatiga asos solinishigacha bo'lgan rasmiy solnoma xususiyatidagi asar edi va ruslarning bostirib kelishiga qadar bo'lgan xonlikdagi barcha muhim voqealarni qamrab olgan. A. L. Kunning fikricha, bu tarix kitobi Xiva xonlarining tarixi bilan bog'liq ko'pgina masalalarni hal qilishda katta yordam ko'rsatishi mumkin edi. Kutubxonada Mirxonning «Eron tarixi», S. Sharifning «Muhammadning sarguzashtlari» nomli asari va Xiva shevasida yozilgan bir nechta original qissa, romanlar saqlanardi. Bu qo'lyozmalarning bir qismi Osiyo muzeyiga kelib tushganligini B. A. Dom tasvirlab bergen.

Xiva xonligi o'mborida saqlanayotgan qo'lyozmalar orasida sharq qo'lyozmalarining taqdiri ayanchli edi. 1874-yilda ularni Toshkentdan Sankt-Peterburgga tashib ketish vaqtida (general K.P. Kaufmanning xalq kutubxonasiiga in'omi) kitoblar solingen yashik ehtiyoitsizlik ogibatida Amudaryoga tushib ketgan va natijada ularning ko'plari shikastlangan edi.

Bu ma'lumotlar N.P. Ostroumovning yozuvlari bilan ham uyg'unlashib ketadi. 1891-yilda Ostroumovga Xiva xonining kotibi Polvon Mirzaboshi ma'lum qilishicha, «Kun Xivadan bir yarim mingga yaqin turli hujjatlar va qo'lyozmalami olib ketgan, lekin ularni qayiqda tashila-yotgan vaqtida qo'lyozmalarning muayyan qismi ho'l bo'lib qoldi, ularni quritish uchun madrasasidan 150 mulla kerak bo'ldi». Shuningdek, Polvon Mirza ma'lum qilganidek, mullalar qo'lyozmalarning bir qismini yashiradilar, Mirza ularni Buxoroga borganda ko'rib qoladi.

Xiva xoni saroyidagi kutubxonaning kitoblari 1873-yilgi Xivaga yurish vaqtida olib qo'yilganligini Xiva saroy tarixchisi Bayoni ham eslatib o'tadi. U «Xorazm tarixi» asarida qayd qilishicha, «ruslar tomonidan 300 nusxa kitob musodara qilingan». Xiva xoni saroyidagi kutubxona to'g'risida A.L. Kunning mashhur rus san'atshunosi va osori-atigalarni qadrlovchi V.V. Stasovga yozgan xatida eslatib o'tilgan. Stasov Kun tomonidan topilgan Xiva xoni taxti bilan qiziqqan edi. «Xiva xonining taxti, – deb javob qilgan edi A.L.Kun, – saroyning qabulxona zalida joylashgan. Men saroyning ana shu qismini ko'zdan kechirayotib qabulxona zalida ushbu taxtga va ayvon tomonidan ochilgan kichikroq eshikni ko'rib qoldim, bu eshikcha bor-yo'g'i kichkina bir xonadan iborat Xiva kitob omboriga olib borardi. Men bu ko'rgan narsalarimning barchasi haqida K.P.Fon-Kaufmanga ma'lum qilganim zahoti undan taxt va barcha kitoblar, qo'lyozma qog'ozlarni olib kelish to'g'risida ruxsatnomasi oldim». Xiva saroy kutubxonasi to'g'risidagi ayrim ma'lumotlarni

Amerikada chiqadigan «Nyu Gerald» gazetasining mux-biri Artur Mak-Gaxan ma'lum qilgan edi. U Xivaga general K.P. Kaufman boshchilik qilgan otryad bilan birga borishga muvaffaq bo'lgan. Mak-Gaxanning tasvirlashi-chi, kutubxona binosi bitta xonadan iborat bo'lib, qo'lyozma kitoblar san'atkorona dastxat bilan yozilgan va ularga charm muqovalar qoplangan.

Birmuncha kechroq biz Xiva saroyidagi kutubxona kitoblari, ularning mualliflari va binosi haqidagi ma'lumotlarni mashhur turkshunos Sankt-Peterburg universitetining privat-dosenti A. N. Samoylovich (1880-1938)ning asarlaridan bilib olamiz. U Markaziy Osiyoga mahalliy madaniyatni o'rganish maqsadida bir necha marta kel-gan. 1908-yilda A. N. Samoylovich saroy shoiri va tabibi Ahmad tabib hamrohligida Xiva xonlari kutubxonasi va toshbosma bosmaxonasida bo'lishga muvaffaq bo'lgan, bu bosmaxonada birinchi bosma kitob «Munis devoni» bosilgan edi. 1910-yilda A. N. Samoylovich Xivadagi toshbosmada chop etilgan Feruz tevaragidagi o'ttiz saroy shoirining she'riy kulliyotini tasvirlab bergan edi.

Xiva xonlari kitob omborxonasi qo'lyozmalar saqlana-digan ikkita kutubxonadan tashkil topgan bo'lib, ulardan bittasi Arkdagi va ikkinchisi Muhammad Rahimxonning yozgi qarorgohi bo'lgan Tozabog'dagi kutubxonadir. Ular A. N. Samoylovichning fikricha, «doimiy ravishda yangi tomilar va ko'chiruvchilarning alohida shtati tomonidan ko'chiriladigan nusxalari bilan to'ldirib borilardi». Buyerda olim kutubxonaning kitob boyliklari bilan batafsil tanishib chiqishga muvaffaq bo'ldi. Tozabog'dagi kutubxonada 200 dan ortiq qo'lyozma bo'lib, ular ham o'tgan asrlardagi, ham XIX asr boshlaridagi shoirlarning qo'lyozmalaridir. Sharq qo'lyozmalarini bilan birgalikda nus tilidagi jurnallar ham bo'lib, ulami tilni yaxshi egallab olgan kishilar mutola qilardi. Toshbosmada bosilgan asarlar hindcha, forscha, yunoncha, qozogcha, turkistoncha nashrlar bo'lib, lekin hamidan ko'ra ko'prog'i fors tilidagi she'riy kitoblar edi.

Kitoblarga kartondan muqova qilingan, ayrimlariga charm muqova ham ishlangan. Har bir kitobning sirtida yorliq, unda asarning nomi, qo'lyozma yoki bosma shaklda ekanligi ko'rsatilgan. Yangi olingen kitoblarning alohida ro'yxati ham qo'yilgan. Arkdagi kutubxonada 500 ta nomdag'i qo'lyozma va bosma kitoblar «katalogi» ham tuzilgan edi. Bu yerda she'riy asarlar tarix, tilbiyotga doir asarlar fondining yarmidan ko'prog'ini tashkil etardi. Kutubxona boy-lining yarmi qo'lyozma kitoblardan iborat edi, desak xato bo'lmasdi. Samoylovich qal'adagi (Arkdagi) kutubxona qo'lyozmalarini shoshilinch ko'zdan kechirar ekan, o'z diqqatini juda chiroyli qilib ziynatlangan fors tilidagi «Shayboniy nomi» qo'lyozmasiga qaratadi, bu qo'lyozma xonning zamondoshi bo'lgan tarixchi va shoir Binoiy tomonidan tuzilgan solnomasi edi.

Mazkur kutubxonadagi fors, arab, chig'atoy tillarida bitilgan tarixiy kitoblar orasida ko'pgina monografik asarlar, masalan, «Olloqulixon tarixi», «Rahimqulixon tarixi», «Muhammad Aminxon tarixi», shuningdek, Muhammad Rahimxon va uning otasi tarixi bor edi. She'riy asarlardan Komil asarlarini, zamonaviy shoirlarning kulliyotlarini, qasidalar, ruboiylar, g'azallar va shu kabi asarlarni topish mumkin edi.

Xiva xonlari saroyidagi kutubxona kitoblari va qo'lyozmalarning mohirlik bilan muqovalanishi kutubxona qoshi-da maxsus muqovalash ustoxonasi mavjud bo'lganligidan dalolat beradi. Bu yerda ajoyib xattotlar, muhr tayyorlovchilar ishlashgan. Kutubxonaning eng yaxshi xattotlari-dan biri Xudoybergan Devonov edi.

Tadqiqotchi A.A. Semyonov o'z asarida xivalik mashhur xattotlardan Muhammad Yoquboja va Xudoybergan Devonovning nomlarini alohida tilga olib o'tadi. Ular Sayid Muhammad Rahimxon II ning buyurtmasi bo'yicha alohida ro'yxatlarga kirgan asarlarni ko'chirar edilar.

Xivada feodal tuzum inqirozi arafasida Xiva xonlari kutubxonasiidagi kitoblar soni anchagina edi. Xiva vaqf

boshqarmasining bergen ma'lumotlariga ko'ra, kutubxonada 1200 jildga yaqin muhim asarlar bo'lib, ularning aksariyati qo'lyozma asarlar edi.

XVIII asrda vujudga kelgan Qo'qon xonligi saroyida ham maxsus kutubxona bo'lgan. Eng keyingi xonlardan Umarxon, Murodxon va Xudoyorxonlar saroyida ancha qimmatli kitoblarga ega kattagina kutubxona bo'lib, unda sharq qo'lyozmalari, ko'pincha tarix, jo'g'rofiyaga doir, tibbiyat, tilshunoslik, grammatika, qonunshunoslik, ilohiyot va boshqa fanlarga doir kitoblar, qo'lyozma asarlari saqlangan. Ular orasida faqat mahalliy mulliflarning asarlari emas, hind, afg'on, eron va boshqa sharq xalqlari shoir va adiblarining asarlari ham uchrardi.

Qo'qon xonligining ayrim hukmdorlari qo'lyozma kitoblarga, umuman kutubxonalarga katta qiziqish bilan qarar, shoir va adiblarga homiylik qilardi. Chunonchi, Muhammad Umarxonning o'zi shoir va adabiyotni nihoyatda qadrlar, she'rlarini Amiriyy taxallusi bilan bitardi. Uning hukmronlik davrida (1809–1822) Farg'onada bir guruh iste'dodli shoirlar davrasi vujudga keldi, ular orasida xonning xotini Nodirabegim ham bor edi. Taxminan 1822-yilda Yusuf Tun qator va xattot Yusuf Muhammad tomonidan 18 shoir asarlari to'plami tuzib chiqiladi. Bu to'plam Qo'qondagi shoirlar asarlari antologiyasi bo'lib, keyinchalik ozroq nusxada toshbosmada chop etiladi.

Xonlikning so'nggi hukmdori Xudoyorxon davrida saroy kutubxonasiga xususiy shaxslardan xarid qilingan ko'pgina qo'lyozma kitoblar qo'shildi. Ayniqsa, Shahrisabz mullasi Muhammad Rahimdan tarix bo'yicha ko'pgina sharq qo'lyozmalari olindi. Muhammad Rahimning o'zi eski qo'lyozma kitoblarni to'plashga ishqiboz bo'lib, yigirma yetti yil mobaynida Hindiston, Afg'oniston va boshqa mamlakatlar bo'ylab sayohat qilar ekan, u yerlarda asosan qimmatli qo'lyozmalarni topish va qo'nga kiritish g'amida bo'ldi.

Saroy kutubxonalaridagi kitoblardan asosan saroy mulozimlari va xizmatchilar foydalanishgan. Masalan, tarixchi Mirza Aziz qo'lyozmalardan tez-tez foydalanib turardi. U «Qo'qon xonligi tarixi» nomli katta hajmdagi kitobini tuzgan, unda Markaziy Osiyo davlatlari va mo'g'ul davlati tarixiga oid ma'lumotlar ham qamrab olingan edi. Bu asarlarda Farg'ona va Marg'ilon shaharlari tarixiga doir materiallar yoritilgan. Marg'ilon rus uyezdi boshlig'i huzuridagi studiyalar hamda boshqa shaxslarning qisqacha tarjimai hollari ham keltirilgan.

Qo'qon xonlari saroyidagi kutubxona qo'lyozmalarini to'g'risidagi ayrim ma'lumotlami biz 1875-yilda Qo'qonga qilingan yurish qatnashchilarining bergan ko'rsatmalardidan bilib olamiz. Bu yurishda A.L.Kunga qo'lyozmalar va boshqa madaniy boyliklami to'plash vazifasi topshirilgan. Uning xabar berishicha, unga iloji boricha mahalliy tillarda yozilgan kitoblar, qo'lyozmalar va hujjatlarni to'plash vazifasi yuklatilgan.

Qo'qon xoni saroyidagi kutubxonadan 103 ta qo'lyozma olingan bo'lib, ular asosan arab tilidagi diniy kitoblar (Qur'on nusxalari, payg'ambarlar, avliyolarning hayoti va faoliyatiga bag'ishlangan kitoblar, musulmonlar rivotatlari, to'plamlari va shu kabilalar) edi. Kitoblar orasida falsafa, mantiq, grammatika va notiqlik san'atiga, tibbiyotga doir qo'lyozmalar (masalan, «Bahr al-javohir» yoki Otabib Xorzaning «Marvarid dengizi»), 15 nomdan ortiq fors tilidagi asarlar, musulmon qonunchiligi, tarixiy mazmundagi «Tuhfat ul-xoniy» (Muhammad Rahimxon hukmronligi tarixi), Jigan Lodining «Tarixi Jahongiri», Shohruh davridan tortib Xudoyorxon davrigacha bo'lgan Farg'ona hamda Qo'qon tarixi va boshqalarga doir kitoblar bo'lgan.

Qo'qon xonlari saroyi kutubxonasidagi arab va fors tillaridagi, turk-chig'atoy lahjasida bitilgan qo'lyozmalarning bir qismi Sankt-Peterburgdagi imperator xalq kutubxonasiga olib ketilgan.

Buxoro amirligida saroy kutubxonalaridan tashqari beklarning kutubxonalari ham bo'lgan. Masalan, Shahrisabz beklining asosiy shahri bo'lgan Kitobdag'i kutubxona ancha mashhur edi. 1871-yilda Iskandarko'l ekspeditsiyasi vaqtida podsho qo'shinlari shaharni egallayotgan paytda bekning saroyida A.L. Kun tomonidan 97 ta sharq qo'lyozmalari, tibbiy, tarixiy, she'riy mavzudagi asarlar qo'lga kiritilgan, ular asosan fors, arab va chig'a-toy tillarida yozilgan. Tarixiy asarlar orasida «Temur Husayn Mirzo tarixi», Hofiz Tanishning «Sharafnomai mohi» yoki «Abdullahoma», shayboniylar tarixi, Vosifiyining «Badoyi ul-vaqoe» (Eng ajoyib voqealar), «Muqimxon tarixi», Xondamirning «Xulosat ul-axbor» va boshqa asarlar o'rinni olgan edi.

Kutubxonada she'riy qo'lyozmalar ko'p miqdorni tashkil etardi. Bu yerda Navoiy, Bedil va boshqa mashhur Markaziy Osiyolik mualliflarning to'plamlari, shuningdek, arab va fors tillaridagi har xil asarlar (Jomiy, Mühiy va boshqalarning she'rlari) o'rinni olgan.

Bu qo'lyozma to'plamlarining barchasi general-gubernator K.L. Kaufman tomonidan Sankt-Peterburgdagi imperator xalq kutubxonasiga sovg'a qilingan va P.I. Lerx tomonidan tasvirlangan.

Sharq qo'lyozmalari saqlanadigan kutubxona Andijon begi Nasriddin (Xudoyorxonning o'g'li) saroyida ham bor edi. 1875-yilgi Qo'qon yurishining ishtirokchisi A.L. Kun ko'proq kitoblar, qo'lyozmalar va hujjatlar to'plash maqsadida Andijonga keladi. Shuningdek, Namangan, Marg'ilon bekleri va boshqa beklarning ham sharq qo'lyozmalarini va kitoblaridan iborat kutubxonalari bo'lgan.

Qo'qon xonlari saroyidagi kutubxona XX asrning boshlariga kelib tanazzulga uchraydi, qo'lyozmalarini va kitoblari o'g'irlab ketilib, bozorlarda sotiladi. 1902-yilda Qo'qonga qo'lyozma asarlarni aniqlash va o'rganish maqsadida kelgan V.V. Bartold xonning saroy kutubxonasini ko'zdan kechirish chog'ida afsus bilan bunday deb yozgan

edi: «Hozirgi vaqtda hech qanday qo'lyozmalar to'plami yo'q, hatto Xudoyorxonning oz miqdoridagi kutubxonasi goldiqlari ham yo'qolgan, ularni 1897-yilda K. G. Zaleman bu kutubxonaning sobiq saqllovchisi Sarimsoq hojinikida ko'rgan edi».

Biz yugorida XIX asrning oxiri va XX asrning boshlarida madrasalar qoshida ko'plab kutubxonalar bo'lganligini, shuningdek, xususiy qo'lyozmalar to'plamlari saqlanganligini tilga olib o'tgan edik. Madrasalar faqat xonlar sulolalari tomonidan emas, balki ayrim katta yer egalari bo'lgan boylar va hatto savdogarlar tomonidan ham tashkil etilgan. Barcha yirik madrasalar huzurida sharq qo'lyozmalarini jamlangan kutubxonalar bo'lgan. Bunday kutubxonalarning kitoblari asosan diniy mazmundu bo'lib, muallimlar (mudarrislar) va shogirdlar uchun zarur edi. Ba'-zan bu yerda tarixiy, huquqiy, falsafiy va dunyoviy mazmundagi qo'lyozmalarni ham uchratish mumkin edi. Bu xildagi kutubxonalarning boyligi madrasaning ahvoliga bog'liq, ular asosan xonlarning in'omlari, dindorlar va yugori tabaqo vakillarining xayriyalari hisobiga to'ldirib borilgan. Madrasa kutubxonalari fondi ancha cheklangan. Agar o'tmishda Markaziy Osiyo madrasalari savodxonlik va ma'rifat targatishda muayyan rol o'yagan bo'lsa, endilikda ular diniy mazmundagi bilimlarni berishardi.

Buxoro amirligidagi madrasalar huzurida katta kutubxonalar bo'lganligi ma'lum. XIX asrning o'rtalarida faqat Buxoroning o'zida 15 dan ortiq yirik kutubxona bo'lgan. Ayniqsa, yirik feodallarning nomlari bilan bog'liq bo'lgan kutubxonalar juda shuhrat qozongan. Lekin XIX asrning ikkinchi yarmida Buxoro madrasasi huzuridagi kutubxonaning tagdiri ancha ayanchli kechdi. O'sha vaqtida Buxoro madrasalari huzuridagi vaqf kutubxonalarini xazinaga o'tkazish amir Muzaffarning tashabbusi bilan emas, balki qozikaloni Sadreddinning tashabbusi bilan amalga oshdi. Qozikaloni olimlik unvoniga ega bo'lмагани holda el orasida obro'si ham yo'q edi. Vaholanki, qozi-

kalon o'zining yugori mavqeい bilan ajralib turishi lozim edi. Diniy mavzularda bahslar o'tkazilgan vaqtida u ko'pincha mudarrislar va a'lamlardan mag'lub bo'lib qoldi. Qozikalon mudarrislar, a'lamlar, muftiyalarning bilimlari bois kutubxonalaridan «o'ch olish»ga qasd qildi. U amirning ruxsati bilan ruhoniylaming beparvoligi tufayli madrasa kutubxonalaridagi barcha qo'lyozmalar va bosma nashrlarni gozixona idorasida saqlashga muvaffaq bo'ldi. Bu kitoblarning bir qismi keyingi yillarda amir kutubxonasiiga o'tib ketdi, qozikalonning qo'lida saqlanayotgan qo'lyozmalarning ko'philigi qarovsiz qolganligi tufayli o'g'irlab ketildi va yo'ptildi.

Hisor shahar madrasasi kutubxonasida ancha-muncha adabiyotlar to'plangan edi. Zamondoshlarning ma'lumot berishicha, Buxoro amirining tog'asi Sodiq to'ra madrasa kutubxonasini to'ldirish bilan doimiy ravishda shug'ulangan. U Buxoroda ko'pgina qimmatli nodir qo'lyozmalarni sotib olib, bunga 75 ming tanga sarflagan. Bu kutubxona fondi inqilobdan keyingi yillarda Markaziy Buxoro kutubxonasiiga kelib tushgan.

Shahrisabzdan Malika Ajar madrasasi huzuridagi mulla Muhammad Rajab, Kamol bazzoz va Abrorxo'ja xatibning kutubxonalari shuhrat qozongan. Bu kutubxonalarda diniy mazmundagi qo'lyozma kitoblar bilan bir qatorda fors shoirlarining va boshqa mualliflarning she'riy to'plamlari, tarixiy mavzudagi qo'lyozmalar mavjud edi.

XIX asrda Xiva xonligi hududida anchagina madrasalar, masjidlar bo'lganligi ma'lum. Ayrim ma'lumotlarga qaraganda, XIX asrning 40-yillarida Xivada 22 ta madrasa bo'lgan. Eng yirik va boy madrasalar xonlik markazi – Xivada edi. Masalan, Ollohqulixon hayot bo'lgan vaqtida madrasa qad ko'targan bo'lib, uning huzurida katta kutubxona tashkil etilgandi, 1835-yilda kutubxona xonning shaxsiy kutubxonasiagi qimmatli adabiyotlar bilan to'ldirildi.

Qo'qon xonligining katta shaharlaridagi madrasalar qoshida ham, garchi unchalik qo'lyozmalarga boy bo'lmasa-da, kutubxonalar bor edi. Toshkentda, XIX asrning ikkinchi yarmida 20 dan ortiq madrasa bo'lgan (Xo'ja Ahror Baroqxon, Ko'kaldosh va boshgalar), A.A Semyonovning tasvirlashicha, ularning kutubxonalarida o'quv va amaliy-huquqiy mazmundagi arabcha qo'lyozmalar saqlangan.

Qo'qon xonligiga qarashli boshqa shaharlarning madarasalari ham bulardan qolishmagan. Andijonda 42 ta, Qo'qonda 36 ta madrasa bo'lgan. Qo'qondagi Ko'rxona masjidida saqlanayotgan qo'lyozmalar ancha qizigarli, ularda jo'ji ulusining ichki tuzilishi to'g'risida, Buxoro xonligidagi qabilalar haqida yozilgan tarixiy asarlar mavjud edi. Diniy mazmundagi adabiyotlar, xususan, Naqshbanlik tariqatining eng buyuk vakillari biografiyasi, Xo'ja Ahroming qarindosh-urug'lari, nabiralari, vorislari biografiyalari keltirilgan kitoblar mashhur edi. «Bu yerda taqdim etilgan Muhammad Hoshimning asari, – deb yozadi A.Z.Validov, – «o'ninchisi asrning boshlaridan to o'n birinchi asrning ikkinchi choragigacha bo'lgan davni qamrab oladi va o'sha davrdagi faqat so'fizmnigina o'rGANISH uchun emas, shu bilan birga Shayboniyilar va dastlabki Ashtarxoniyilar hukmonlik qilgan davrdagi Movarounnahrning siyosiy tarixini o'rGANISH uchun ham manba bo'lib xizmat qiladi».

XIX asr oxiri -XX asrning boshlarida bir qancha qimatli va qizigarli qo'lyozma asarlar Buxoro amirligi, Xiva xonligi va Turkiston o'liasi hududidagi madrasalar qoshidagi kutubxonalarda saqlanayotganligini aytib o'tish kerak. Bu kutubxonalarga musulmon ruhoniylari, xonliklar ma'muriyati va podsho amaldorlari tomonidan alohida e'tibor bilan qaralgan, chunki hukmon sinflar madrasalar orgali o'z mafkuralari targ'ibotchilarini, o'z sinflari negizini himoya qiluvchilarni tarbiyalar edilar. Shuning uchun ham aynan shu madrasalar huzuridagi

kutubxonalarda qimmatli qo'lyozmalar saqlanib qolganligi bejiz emas. V.V.Bartold 1902-yilda Qo'qonda bo'lgan vaqtida bunday deb yozgan edi: «Shaharda men topishim mumkin bo'lgan ma'lum darajada nodir kitoblar va qo'lyozmalar Ma'dalixon madrasasida to'plangan edi». U mazkur kutubxona qo'lyozmalarini diqqat bilan ko'zdan kechirar ekan, Osiyo muzeyi uchun iloji boricha ko'proq qo'lyozmalarni xarid qilishga harakat qildi, lekin narxi yugori bo'lganligi uchun bunda muvaffaq bo'la olmadi.

Madrasalar huzuridagi sharq qo'lyozmalari saqlanayotgan kutubxonalarning ahvoli haqida o'sha vaqtda, ya'ni 1913-yilda Buxoroga va O'rta Osiyoning boshqa shaharlarga tashrif buyurgan hindistonlik olim va sayohatchi Abdurauf himoya qilgan. Uning ma'lumot berishicha, Buxoroda 200 ga yaqin madrasa bo'lib, ular uch toifaga bo'linadi: oliy, o'rta va quyi madrasalar. Deyarli barcha madrasalar o'z kutubxonasi ega, ulardagi qo'lyozma boyligi vaqf va boshqa daromadlarning ahvoliga bog'liq. U vaqf daromadlari bilan yaxshi ta'min etilgan 11 ta katta kutubxonani ko'rsatib o'tadi. Bu kutubxonalarda o'sha vaqtda mavjud bo'lgan barcha kitoblar to'plangan edi, kutubxonalar yangi chiqayotgan kitoblar va qo'lyozmalarni sotib olish uchun 40000 tanga miqdoridagi muayyan vaqf mablag'ini olganlar.

Abdurauf ayrim kutubxonalarning tanazzulga uchraganligini, ulaming kitoblari xizmatchilar va boshqa kishilar tomonidan talon-toroj qilinganini qayd qilib o'tgan.

Kutubxonalarda o'sha yillarda qimmatli sharq qo'lyozmalari bor bo'lganligidan rus olimlari ulami jon deb sotib olganligi dalili ham dalolat berib turibdi. Masalan, sharqshunos V. A. Ivanov 1915-yilda O'rta Osiyoga kelgan bo'lib, Buxoro madrasalarining vaqflarga qarashli kutubxonalaridan arab, fors, turkiy tillardagi ko'pgina sharq qo'lyozmalarini sotib olgan. Bu sotib olingan narsalar 1057 ta qo'lyozmadan iborat Buxoro kolleksiyasini tashkil etgan.

O'zbekiston hududida XIX asrning ikkinchi yarmi – XX asrning boshlarida, ayniqsa, Buxoro, Farg'oma, Toshkentda xususiy qo'lyozma kolleksiyalari va fondlari ko'p bo'lgan. Xususiy qo'lyozma fondlari va kolleksiyalari uchun xos bo'lган narsa shu ediki, ulardan dunyoviy mazmundagi adabiyotlar ko'pchilikni tashkil etardi. Tarix, huquqshunoslik, falsafaga doir qo'lyozma asarlar, turli she'riy to'plamlar asosiy qismi tashkil etgan. Qo'lyozmalar kolleksiyasini tashkil etuvchi har bir kishi uni o'z shaxsiy manfaatlaridan kelib chiqib to'ldirgan, kitoblar va qo'lyozmalarni tanlashda nuqul sub'ektiv omil birinchi o'rinda turgan.

Xususiy qo'lyozma kolleksiyasining eng ko'p qismi Buxoro xonligi hududiga to'g'ri keladi. Bunga sabab, xonlikda ma'rifatli kishilar ko'pchilikni tashkil etgan, ko'pgina kutubxonalar ancha ilgarigi vaqtida tashkil etilgan, avlod-dan-avlodga o'tib kelgan. Odatda beklar, qozilar, mullahlar va saroydagi amaldorlar bu yerga yaqin turuvchi shaxslar va ruhoniylar eng yaxshi qo'lyozma kolleksiyalariga ega bo'lishgan.

Hisor shahrida istiqomat qiluvchi kutubxonashunos, nodir qo'lyozmalar ishqibozi Qushbegi Ostonaquli sharq qo'lyozmalarining ancha qiziqarli kolleksiyalariga ega bo'lganligi ma'lum. U Hisor tarixi va sharqiy Buxoro tarixiga doir ko'plab qo'lyozma asarlarni to'plagan. Uhing qo'lyozma kolleksiyalarida hatto papirus qog'oziga yozilgan qo'lyozmalar ham bo'lgan. Ostonaqulining vafotidan keyin bu qimmatbaho kolleksiya amirning kutubxonasiga topshirilgan.

Qarshi shahridagi mulla Najmiddin kutubxonasida ancha qimmatli sharq qo'lyozmlari bo'lgan. Bu yerdagi deyarli barcha asarlar Alisher Navoiy va Husayn Boyqaroning zamondoshi mulla Husayn Koshifiyga qarashli edi. Eski arab qo'lyozmlari, she'riy to'plamlari, chig'atoy shoiri Lutfiying she'riy to'plamlari, mashhur shoir Sayyodning «Eron shohlari tarixi» asari, A.Navoiyning asarlari mavjud

edi. Astronomiya, huquqshunoslik, ilohiyot bo'yicha fors tilidagi qo'lyozmalar soni anchagini bo'lib, ularning ko'pchiligi juda sifatli qog'ozlarga atoqli xattotlar tomonidan ko'chirilgan edi.

Buxoroda yashagan shayx Yahyo xoja Sadurga qarashli sharq qo'lyozmalari kolleksiyasi diqqatga sazovordir. Bu yerda Abdullaxon Shayboniy davridan buyon Jo'ybor shayxlari tarixi bo'yicha qo'lyozmalar, Muhammad Islomxo'ja Jo'yboriyning Abdullaxon, uning qarindoshlari va Ash-tarxoniyilar sulolasining dastlabki vakillari bo'lgan boshqa shaxslar bilan olib borgan yozishmalari va tarjimai holi taqdim etilgan edi. Yozishma Jo'yboriy shayxlar xonlarga qanday ta'sir ko'rsatganligi va ular hokimiyatning ashtarxoniyilar qo'liga o'tishida qanday rol o'ynaganligini aniqlash uchun qimmatli manba hisoblanadi. Kolleksiya-da Ibn Sinoning «Tib qonunlari» asari va boshqa qo'lyozmalar bor edi. Qadimshunos va sharqshunos V. L. Vyatkin mazkur kolleksiyadagi qo'lyozma asarlarning qimmatini ma'lum qilgan edi. «Agar pul to'plasam – deb yozgan edi u, – bahorda Buxoroga bormoqchiman va u yerda Jo'yborlarni qidirib topaman, ularning kitobparvarligini ilgari ham eshitgan edim».

Buxoroning qozikaloni Burhoniddinning kutubxonasi ancha qiziqarli. Ayniqsa, unda tarixiy asarlar ko'p bo'lib, ular orasida Chingizzon va uning avlodlari tarixi, Bobur-ning Ubaydullaxon bilan kurashi tarixiga doir va boshqa asarlar mavjud bo'lgan.

Sobiq Qo'qon xonligi hududida Yunusxon dodho Mu-hamedovning kitoblar kolleksiyasi qimmatli asarlar bilan ajralib turgan. Unda chig'atoy, fors, arab, turkiy va boshqa tillardagi nasriy va nazmiy asarlardan iborat qadimgi qo'lyozmalar to'plangan. Bu yerda Qo'qon xonligi tarixi, Badaxshondagi 1657-1809-yillarda bo'lib o'tgan voqealar va shaxslar tarixiga, 1703-yilgacha bo'lgan Qashqar xojalarining tarixiga doir asarlar qo'yilgan edi. Ayrim qo'lyozmalar qo'qonlik xonlar, shayxlarning hayoti va

faoliyatini yoritib beradi. Kolleksiyaga farg'onalik shoir Sa'diy, Chig'atoy shoiri Lutfiy va boshpalaming turli she'riy to'plamlariiga boy edi. Lug'atlar ham topilardi, xususan chig'atoy-fors lug'ati qizigarli bo'lib, u mulla Yoqub Changiy tomonidan Hindistonda Avrangzeb (1659-1707) davrida tuzilgan, undagi anchagina qo'lyozmalarini diniy va tasavvufiy mazmundagi asarlar tashkil etardi.

Qo'gnda V.V. Bartoldning shogirdi, sharqshunos va etnograf M.V. Gavrilov kichikroq bo'lsa ham, ancha qizigarli qo'lyozmalar majmuiga ega bo'lган. U qo'qonlik Xudoyorxon podsholigi (1845-1858) davri tarixi bo'yicha Abdulg'affor tomonidan yozilgan she'riy asarni, Amin Ahmad Roziyining «Yetti iqlim», Mirxondning «Tozalik bog'i» va boshqa asarlarni to'plagan.

Marg'ilonda Ibrohimxo' ja Muhammadxo' jayevning kitob to'plamlari orasida Xondamirning asarlari, Mirza Muhammad Qosim al-Husaynning qalamiga mansub asarlar, Ubaydullaxon saroyidagi shoirlar va xorning o'zi ijod qilgan she'riy to'plamlar uchraydi.

Farg'ona viloyati boshqarmasining tarjimoni bo'lib ishlagan Yu.K. Kazbekov ham bir qancha qo'lyozmalarga sohiblik qilgan. Unda 1886-yilda yozilgan «Qo'qon xonligi tarixi», shu nomdagi yana bir asardan parchalar, Xo'ja Ahrorning Abu Said va Abdurahmon Jomiy she'rлariga sharhlari, Jamol Qarshi va boshgalarning asarlari jamlangan edi. Uning kitoblari orasida Xudoyorxon davriga taalluqli anchagina rasmiy hujjatlar ham topilgan.

Andijonda boshqa xususiy qo'lyozmalar orasida ming-tepalik eshon Muhammad Ali Sobirovning qo'lyozma fondi diqqatni tortadi, bu kishi Dukchi eshon nomi bilan mashhur bo'lган. Professor V. A. Jukovskiyning fikriga ko'ra, bu to'plamlar «so'fizm tarixi va musulmon sekta-lari tarixiga qiziqish uyg'otadi». Andijonda 1898-yilda bo'lган qo'zg'olon bostirilgandan keyin eshonning kutubxonasi musodara qilingan va uning bir qismi N. P. Ostrovskynning iltimosi bilan Turkiston arxeologiya ishqiboz-

lari to'garagiga berilgan, keyinchalik 194 ta qo'lyozma Turkiston xalq kutubxonasiga keltirilgan va bu bilan Ye. F. Kal hali hayotligi vaqtidayoq sharq qo'lyozmalari fondini yaxshigina to'ldirilgan. Bu yerda Farididdinning asarlari, kosonlik shayx Mahmud Azimiyning (1542-yilda vafot etgan) tarjimai holi, O'tmish hojining «Chingiznomma», G'iyosiddin Alining asarlari bor edi, ular bilan 1902-yilda V.V. Bartold ham qiziqgan.

Tarixiy manbalarning guvohlik berishicha, xususiy qo'lyozma fondlari Samarcand, Toshkent, O'sh, Namangan va boshqa shaharlarda ham mavjud bo'lib, bu joylar sobiq Qo'qon xonligiga qarardi.

Qadimshunos va tarixchi V. L. Vyatkin sharq qo'lyozmalaridan iborat qiziqarli kolleksiyaga ega edi. U Markaziy Osiyoda ishlagan davrida 190 jilddan iborat durustgina qo'lyozmalarni (asosan ingilobdan oldindi davrga taalluqli) to'plashga muvaffaq bo'lган. Tarixiy-geografik, tarixiy-diniy mazmundagi qo'lyozmalar uning kolleksiyasidan ancha keng o'rinn olgan. Ularda darveshlik harakati batafsil yoritilgan, darveshlik nazariyasi rahbarlarning qarashlari aks etgan. Qo'lyozmalarning yozilish vaqtiga kelsak, ular shayboniyalar davriga to'g'ri keladi va shu davrni ancha to'liq aks ettiradi. Qo'lyozmalar orasida XIV asming mashhur tarixchilar qalamiga mansub asarlar, xususan, Mahmud G'ijduvoniyning shayx Kamolidin Xorazmiy hayotining tasviriga bag'ishlangan «Mitfax ut-tolibin» («Intiluvchilar uchun kalit») asarining ko'chirilgan nussxasi balxlik Abdullaning «Zubdat ul-asar» («Hikoya qilish qaymog'i») nomli qo'lyozmasi bo'lган. Bu o'sha vaqtda umumiy tarixga doir o'zbek tilida bitilgan dastlabki asarlardan biri edi. Qo'lyozmada Muhammad Shayboniyxon va uning vorislaridan Suyun xoji voqealari bilan bog'liq manbalar o'z ifodasini topgan.

V. L. Vyatkining kolleksiyasiga V.V. Bartold ham katta qiziqish bilan qaragan. 1902-yilda Samarcandda bo'lган vaqtida qo'lyozmalar bilan tanishib chiqadi, ular orasida

uning e'tiborini jalb qilgan narsa Shayboniyxon jasoratlarining she'rga solingan solnomasi, uning ikkinchi marta Samarcandni egallashigacha bo'lgan davr, Boburning 1501-yilda tog'larga qo'shib ketishi tasvirlangan asari edi. V. V. Bartoldning fikricha, bu asar Shayboniyxon hayotligi vaqtida uning topshirig'i bilan yozilgan. Olim 94 qo'lyozmani batafsil tasvirlagan va bir qator o'rinnlarda ularni sharhlab ham bergen. U V. L. Vyatkin to'plagan qo'lyozmalarga yugori baho berib, ularning katologini juda qisqacha ma'lumotlar bilan bo'lsa ham e'lon qilish istagini bildirgan.

1933-yilda V. L Vyatkin vafotidan keyin bu kolleksiya kirdi qo'lyozmalar Toshkentdagi O'zbekiston Davlat kutubxonasiga topshiriladi, ular bu yerda kutubxona xodimi, sharqshunos A. A. Molchanov tomonidan tasvirlab beriladi.

Toshkentda ham uncha katta bo'lмаган xususiy qo'lyozmalar kolleksiyalari bo'lgan. Eshon Qadrin qo'lyozma kitoblari kolleksiyasi yaxshi tarlangandi. U kishi Marкази Osiyo xalqlari kitoblari va madaniy yodgorliklarini sevuvchi inson edi. U o'z kitoblar kolleksiyasidagi eng qimmatli qo'lyozma deb «Matla ul-ulum» («Fanlar manbali») nomli forscha ko'p jiddli qomusni hisoblardi. Bu katta hajmdagi asar barcha fanlar bo'yicha qisqacha ma'lumotlami o'z ichiga olgan, uni ilk bor Turkiston o'lkasining mashhur bilimdoni, sharqshunos N.S. Likoshin topgan edi. U Qadrinни sharq fanlarining bilimdoni, haqiqiy qomuschi deb hisoblardi.

1902-yilda vafot etgan toshkentlik qozi Muhiddinxo'-janing ham sharq qo'lyozmalaridan iborat to'plamlari bor edi. U madaniyatli kishi bo'lib, rus tilini yaxshi bilar va ko'pgina rus olimlari bilan mulqotda bo'lgan, bir qator ilmiy jamiyatlarning a'zosi ham hisoblanardi. Uning qo'lyozmalar ro'yxatida qimmatli kitob Sharafiddin Ali Yazdiyning «Zafarnoma» (<«Temur tarixi»>) asari bo'lib, bu kitob Amir Temur vafotidan 33 yil o'tgandan keyin

ajoyib miniatyuralar bilan bezatib ko'chirilgan edi. Boshqa qo'lyozmalar orasida tarixchi at-Taboriyning asarlarini, Sa'diyning she'riy to'plami va boshqalarni ko'rish mumkin. 1902-yilda «Turkestanskie Vedomosti» gazetasi Muhid-dinxo'janing butun qo'lyozmalarini Turkiston xalq kutubxonasiga sotib olishga da'vat qilib chiqdi, lekin birorta ham qo'lyozma sotib olinmadи.

Toshkentlik Boqijon boyning to'plagan qo'lyozmalari orasida tarixga doir asarlar ancha qiziqarli edi. U XVII asrdagi chig'atoylik Ismoilxon (1670-1682) ning ko'rsatmasi bilan Mirza Shomahmud Churas tomonidan tuzilgan Koshoariyaning tarixiga doir nusxaga ega edi. Ko'pgina tarixiy qo'lyozmalar rasmlar bilan bezatilgandi, masalan, Amir Temuring harbiy yurishlari to'g'risidagi qo'lyozma 12 ta ajoyib miniatyura bilan ziynatlangan. Ularda 1374, 1382 va 1387-yillarda Eronga qilingan yurishlar, Turkiya, Misrda olib borilgan urushlar, Temuring o'g'li Jahongirming nikoh to'yi aks ettirilgandi. Bu kolleksiya qo'lyozmalari bilan 1916-yilda V. V. Bartold ham qiziqgan.

Sobiq Shahrisabz hukmdori, general-mayor Jo'rabeckning Toshkentda sharq qo'lyozmalari kolleksiyasi bo'lgan. XIX asrning boshlarida unda, A.A. Semyonovning fikricha, bilimlarning turli sohalariga doir 60 dan ortiq qo'lyozma bor edi. 1906-yilda Jo'rabeck o'ldirilgandan keyin qo'lyozmalar uzoq vaqt qarovsiz yotgan, ishdan chiqqan va o'g'irlab ketilgan. Mahmud ben Valining «Sirlar dengizi» asari dastlabki uch qismining birdan-bir mashhur nusxasi ham yo'qotilgan.

1912-yilda qo'lyozmaning yarim-yortisi saqlanib qolgan bo'lib, V.V. Bartoldning tashabbusi va A.A. Semyonovning ishtirokida ular Jo'rabeckning Qorasuvdag'i (Toshkent) uyidan olib ketilgan. Bu qo'lyozmalarining shundan keyingi taqdiri bunday bo'lgan: Oktabr to'ntarishidan keyin bu kolleksiya Toshkent Sharq instituti tomonidan sotib olinib, so'ngra SAGU (hozirgi ToshMU) Sharq fakulteti

kutubxonasiiga keltirilgan, keyinchalik universitetning asosiy kutubxonasini fondiga qo'shilib ketgan. 1935-yilda 35 ta qo'lyozma A.A. Semyonov tomonidan tuzilgan tavsifga kiritilgan va e'lon qilingan.

Sharq tillarining, xususan, fors-tojik tilining bilimdoni bo'lган A. A. Semyonov (1873-1957) ham ancha boy qo'lyozmalar kolleksiyasiga ega edi. Xizmat taqozosi bilan Turkiston o'lkasida turgan olim 1900-yildan boshlab tez-tez o'lkaning turli joylariga borar, u yerlarda moddiy madaniyat yodgorliklarni tadqiq qilar, ayni vaqtida turli yozma asarlarni to'plar va o'rghanar edi. U asosan 1915-1916-yillarda to'plagan Ismoil qo'lyozmalari hisobiga kolleksiya tuzgan.

Qo'lyozmalarning ko'pchiligi diniy mazmunda bo'lib, nasriy va she'riy asarlardan tashkil topgan. Bu yerda Nosir Xusravning «Barcha diniy kitoblarining onasi» A. Muham-madning «Ishonch qiyofasi», «Haqiqatlar guli», yana Nosir Xusravning «Sayhat kitobi» kabi asarlar bor edi.

A. A. Semyonov shundan keyingi yillarda sharq qo'lyozmalarini to'plashni davom ettirdi. Hayotining oxirgi yillarda uning shaxsiy kutubxonasida 150 dan ortiq o'zbek, tojik (fors) va arab tillaridagi g'oyat qiziqarli qo'lyozmalar mavjud bo'lib, uni olim o'zining O'rta Osiyodagi o'z ilmiy faoliyati mobaynida o'nlaracha yillar davmida to'plagan edi. A.A. Semyonov vafot etgandan keyin uning kutubxonasi va sharq qo'lyozmalari kolleksiyasi Tojikiston Fanlar akademiyasi Tarix institutiga topshirilgan.

Sharqshunos va etnograf N.S. Likoshin, mashhur orientalist N. F. Petrovskiy, samargandlik advokat S. A. Lapin, toshkentlik sharqshunos D. Grameniskiy va boshqa ko'plab olimlarning ham shaxsiy kutubxonalarida ancha-muncha sharq qo'lyozmalari bo'lgan.

XVIII-XIX ASRLARDA O'ZBEK XONLIKALARIDA KITOB SAVDOSI

Hozirgi O'zbekiston hududining bir qator shaharlari-da ko'p sonli va ba'zida katta-katta kitob bozorlarining bo'lganligi o'lkada kutubxonalar, sharq qo'lyozmalariga ega bo'lgan kolleksiyalar mavjud bo'lganligidan dalolat beradi.

Bu kitob bozorlari o'zining chuqur ildizlari bilan uzoq tarixga borib taqaladi. Biz yuqorida VIII asrdayoq somoniylar davlatida ancha katta kitob bozorlari bo'lganligini qayd etib o'tgan edik. Undan keyingi asrlar – Amir Temur va temuriylar, shayboniylar, ashtarxoniyalar davrida ham kitoblar bilan savdo qilish to'xtagan emas. Vaqtivagi bilan kitob savdosi avj olib, goh tanazzulga uchrab turgan, bunga u yoki bu davlatning umumiy madaniy yuksalishi va hayot-faoliyati ta'sir qilgan.

Ayniqsa, XVIII asrning boshlaridan e'tiboran kitob savdosi keng avj olgan. Markaziy Osiyoda kitob savdosi bo'lmaydigan shaharlarni topish amri mahol edi. Faqat Yettisuv va Zakaspiy viloyatlarida kitob savdosi aytarli yo'lga qo'yilmagan.

Buxoro shahri kitob bozorlarining ko'pligi bilan azal-dan tanilib kelgan. Samarqandda ham, Farg'onada ham, Qarshida ham, boshqa shaharlarda ham bunchalik keng kitob bozorlari yo'q edi. Faqat Samarqand Temur va temuriylar davrida kitob bozorlarining ko'pligi jihatidan Buxoroga yaqinlashib olgan. O'sha vaqtarda shahar si-yosiy va madaniy jihatdan gullab-yashnadi, adabiyot, fan va san'at ravnaq topdi.

Katta kitob bozorlarida hamisha qo'lyozmalar va bosma nashrlami sotadigan maxsus qatorlar (rastai kitobfurushon) bo'lган. Ana shu kitob rastalarida badiiy jihatdan yaxshi bezatilgan va miniatyura rasmari bilan ziynatlangan eski qo'lyozmalarni, xilma-xil mazmundagi kitoblarni, Yaqin va O'rta sharqdagi turli mamlakatlardan olib kelingan asarlarni topish mumkin edi.

XIX asrdagi kitob bozorlari haqidagi ma'lumotlami biz chet el yozuvchilar va saychatchilarining, rus sharqshunos olimlari va O'rta Osiyo davlatlariga tashrif buyurgan boshqa shaxslarning esdaliklaridan bilib olamiz. Masalan, 1812-1813-yillarda O'rta Osiyo bo'ylab sayohat qilgan Mir Izzatullaning yozishicha, Buxoro shaharining markazida savdo inshootlari tevaragida ko'pgina kitobfurushlar savdo qilishgan ekan.

Bu kitob bozoridagi savdo haqida venger sayohatchisi A. Vamberi hikoya ham qilgan. U O'rta Osiyoni Chor Rossiyasi bosib olishi arafasida bu yerda bo'lган vaqtida maxsus kitob bozorlarini borib ko'rgan, bunday bozorlarning birida 26 ta do'koncha borligini hisoblab chiqqan. Kitoblarni ulgurji sotish karvonsaroylaming bevosita o'zida amalga oshirilgan.

XIX asming oxirida Toshkentdan tashqari Turkiston-dagi birorta ham shaharda yevropacha tipdagi kitob do'konni bo'lмаган. Biroq, hatto general-gubernator poytaxtidagi Shvarsning kitob do'konchasiдан turli eski-tuski kitoblarni xarid qilish mumkinligini «Toshkentda kitob savdosini» maqlasining muallifi ma'lum qilgan edi.

Kitob savdosining keng avj olganligi qo'lyozmalarni ko'chirish sohasini ancha jonlantirdi, deb aytish mumkin. Turkistonda xizmat qilgan stat-maslahatchisi Bek-churin Xo'jandning madaniy hayotini tasvirlar ekan, «mahalliy madrasalarda qo'lyozma kitoblarni ko'chirish keng yo'lga qo'yilgan edi», deb yozadi. Uning ta'kidlashicha, sotish uchun qo'lyozmaning ko'pchiligi Buxorodan va Turkistonning boshqa shaharlaridan olib kelingan.

Kitoblarni ko'chirib yozish sohasi ancha yuqori edi: ko'chiruvchining qog'oziga ko'chirilgan 16 sahifali matnning bahosi xatning chiroyli bo'lishiga qarab 50 tiyindan bir so'mgacha turardi. Bekchurinning fikricha, qo'lyozmalar ko'pgina xatolar bilan ko'chirilgan. Buning ustiga bu yerda yaxshi qog'oz navlari yo'q. Qo'gonda ishlab chiqariladigan «Jondori» qog'ozi bilan «Nim kabobi» qog'ozi dag'al va nosilliq edi.

XIX asrning ikkinchi yarmida o'bek adabiyoti tarixidagi katta voqe - kitob chop etishning paydo bo'lishidir. Natijada kitob bozorlarida toshbosmada chop etilgan kitoblar ham sotiladigan bo'ldi. Ma'lunki, Markaziy Osiyo bosib olinmasdan oldin bu yerda bosmaxonalar bo'lma-gandi, mahalliy kitob nashr etishning yuzaga kelishi o'lkadagi iqtisodiy va madaniy o'zgarishlarning natijasidir. Dastlabki bosmaxona bu yerda 1868-yilda harbiy okrug shtabi huzurida ochildi. O'sha yili unda chop etilgan dastlabki asar rus olimi N.A. Seversevning kitobi bo'ldi, keyin rus va mahalliy tillarda kitoblar hamda gazetalar bosila boshladi. Shundan keyingi yillarda o'lkada bir qator davlat va xususiy bosmaxonalar paydo bo'ldi. Markaziy Osiyoda keng targalgan, ancha arzon va texnik jihatdan oddiy bo'lgan usul - bosishning litografiya (toshbosma) usuli bo'ldi. 1874-yilda Xiva xoni Sayyid Muhammad Rahimxon II saroyida birinchi toshbosma bosmaxonasi ochildi. Dastlabki kitob bosuvchi Xorazmda tug'ilib o'sgan yosh turkman yigit Otajon Abdalov bo'ldi. U 1873-yildan boshlab rus maktabida o'qidi, 1874-1878-yillarda eronlik Ibrohim Sultondan toshbosmada kitob bosish ishlarini o'rgandi. Ibrohim Sultonni esa xon Xivaga ishlash uchun taklif qildi.

Ibrohim tomonidan tuzilgan «1871-yil taqvimi» o'zbek tilida chop etilgan deyarli birdan-bir bosma nashr bo'ldi, 1872-yilda u qaytadan bosildi. O'zbek bosma nashrining bu nodir yodgorligi A.Navoiy nomidagi O'zbekiston Davlat kutubxonasida saqlanmoqda.

Toshbosma usulida nashr etilgan adabiyotlar nihoyatda xilma-xil bo'lib, ularning aksariyat qismi diniy mazmundagi kitoblardan iborat edi. Toshkentda o'zbek tilida bosilgan dastlabki toshbosma usulidagi kitob XVIII asming taniqli o'zbek tasavvufchi shoiri So'fi Olloyorning «Kitob sabot ul-ojizin» («Ojizlaming qat'iyati») asari edi.

Xivadagi toshbosmada 1880-yilda Alisher Navoiyning mashhur «Xamsa» asari chop etildi. Ana shu yillarda Munis Xorazmiyning «Devoni Munis» va «Devoni Raj» asarlari va boshqa bir qator kitoblar dunyo yuzini ko'rди. Bu kitoblar sotuvga chiqarilmasdan xonning yaqinlari, tashrif buyurgan elchilar va savdogarlar o'rtasida targatildi. XIX asr oxiri – XX asrning boshlarida Toshkentda ham toshbosma usulida kitoblar nashr etish bimuncha avj oldi, bu ish bilan kamida yettita bosmaxona shug'ullandi. Ana shunday toshbosma korxonalaridan biri va eng kattasi 1907-yilda ochilgan G'ulom Hasan Orifjonov bosmaxonasi bo'ldi. Dastlabki yillarda asosan, tasavvufiy adabiyotlar bosilgan. Shuni ham aytish kerakki, XX asrning boshlarida sharqning mumtoz badiiy adabiyoti vakillari ning asarlari kamroq bosilardi. Shunga qaramasdan mahalliy tillarda bosma asarlarning paydo bo'lishi o'lka-ning madaniy taraqqiyotida olg'a tashlangan katta odim edi.

Turkiston o'lkasida noshirchilik kitob bozorining o'zgarishiga jiddiy ta'sir qildi. Qo'lyozma asarlar bimuncha kamaydi, lekin shunga qaramay ular kitob bozorida asosiy manbalardan biri bo'lib qolaverdi. Kitob bozorlariga qo'lyozmalar xususiy kutubxonalaridan kelib tushar, ayniqsa, ularning egalari vafot etgandan keyin shunday bo'lardi. Bunday vorissiz qolgan kutubxonalar yoki ularning nodon vorislari qo'lyozmalarni olib-sotarlarga arzimagan pulga sotib ketishardi. Anchagina qo'lyozma asarlar Turkiya, Eron va Qozon, Hindistondan (Bombeiy) kelib turardi. Qo'lyozmalarni xarid qiluvchilar asosan mahalliy aholi orasidan chiqqan bilimdon kishilar,

kelgindi rus olimlari va boshqa kishilar bo'lgan. Xorijlik olib-sotarlar – antikvar fimalaming agentlari, xususan, afg'onlar, eroniylar va amanlar ko'plab kitoblarni xarid qilishardi. Ular Buxoroda va O'rta Osiyoning boshqa shahlarida uzoq vaqt yashab, ko'proq qimmatbaho, miniatyura rasmlar bilan bezatilgan qo'lyozmalarini xarid qilishar, vatanlariga qaytib borganlaridan keyin ulami anda yuqori narxlarda sotishardi. Qo'lyozmalarini nafaqat xususiy shaxslar, shu bilan birga ko'pincha kutubxonalar ham sotib olardi.

XIX asrning oxiri – XX asrning boshlarida Markaziy Osiyoda xorijiy olimlar tez-tez kelib turishgan. Ularni ilmiy jamiyatlar Sharq qo'lyozmalarini xarid qilish uchun yuborishgan. 1902-yilda V.L. Vyatkin afsuslanib bunday deb yozgan edi: «Qo'lyozmalar tobora kamayib qolmoqda, ularni xorijiy kutubxonalar va shaxslar uchun xarid qilishmoqda». V. L. Vyatkin eski qo'lyozmalarini rus olimlari ham, O'rta Osiyo xalqlari yozma yodgorliklarini mahalliy qadrlovchilari va ishqibozlari ham muhofaza qilish va qidirib topish sohasidagi ishlarni keng avj oldirib yuborishlarini qattiq turib talab qilgan. Rossiya akademiyasi, O'rta Osiyo muzeyining direktori K. G. Zaleman ham bu qo'lyozmalarni yaqin kelgusida har xil xorijiy olib-sotarlar tomonidan olib ketilishi mumkin, hozircha ular o'zlarining agentlari orgali miniatyurali qo'lyozmalarini sotib olmodalar, deb ta'kidlagan edi.

**SHARQ QO'LYOZMA KITOBLARINI TO'PLASH
VA SAQLASHDA TURKISTONDAGI MAHALLIY
MUASSASALAR, KITOB ISHQIBOZLARI
VA OLIMLARINING ROLI**

XIX asrning oxirlarida qo'lyozma kitob kolleksiyalari asosan ayrim jamoat kutubxonalarini huzurida shakllandi. Masalan, Toshkentdagagi Turkiston o'qituvchilar seminariyasi kichikroq sharq qo'lyozmalari to'plamiga ega edi. Samarqand shahridagi 1907-yilda ochilgan va musulmon kutubxona-qiroatxonasi ham birmuncha miqdorda sharq qo'lyozmalari bo'lgan. Mazkur kutubxona-qiroatxona mahalliy aholining xayriya meblag'lari hisobiga tashkil etilgan bo'lib, Registondagi Mirzo Ulug'bek masjiti binosida joylashgan. 1901-yilda sharqshunoslar jamiyatining Toshkent bo'limi vujudga keldi va o'zining kutubxonasiiga ega bo'ldi.

Sharq qo'lyozmalarini aniqlash va o'rganishda Turkiston xalq kutubxonasi katta rol o'ynadi, bu kutubxona Toshkentda 1870-yilda ochilgan. Dastlab bu kutubxona da sharq qo'lyozmalari borligi, Parijdagi Sharq tillari maktabining professori K.Uifalvi de-Mezo Kovej tomonidan eslatib o'tiladi. U Turkiston bo'y lab etnografik va arxeologik sayohat uyshtirib, Turkiston xalq kutubxonasida ham bo'lgan.

Turkistondagi rus ziyolilaridan birinchi bo'lib D. Gramenitskiy sharq qo'lyozmalarni to'plash va saqlash to'g'risida taklif kiritgan. U Turkiston kutubxonasini fagaqt sharq qo'lyozmalari saqlanadigan kutubxonaga aylantirish to'g'risidagi taklifni ilgari surdi, biroq bu reja ma'qul-lamadi.

Ma'lumki, kutubxona tashkil topgan vaqtidan boshlab dastlabki o'n besh yil mobaynida o'lkanning harbiy ma'-muriyati tomonidan Markaziy Osiyo hududida 1871-1876-yillarda to'plangan qo'lyozmalar kutubxonaga kelib tushmagan, balki odatda Sankt-Peterburgga yuborib turilgan. Kutubxonanining sharq qo'lyozmalarini qidirib topish va xarid qilish sohasidagi ishlari tasodifiy xususiyatga ega edi, shuning uchun ham qo'lyozma kitoblar nihoyatda sekililik bilan to'planib borayotgan edi.

Kutubxonadagi sharq qo'lyozmalarining dastlabki katalogini A.L. Kun tuzgan bo'lib, u jami 57 ta raqamni qamrab olgan. Qo'lyozmalarni to'plash va kutubxonada qo'lyozmalar kolleksiyasini tashkil etish, keyin sharq kitoblari va qo'lyozmalar bo'limini odhish sohasidagi dastlabki qadamlar A.L. Kun nomi bilan bog'liqdir. A.L. Kun bilan bir qatorda kutubxona uchun qo'lyozmalar to'plash bilan sharqshunoslar N.N. Pantusov, S.M. Gramenitskiy Ye.F. Kal, Rostivlavov va boshqalar ham shug'ullangan.

1889-yilda yosh sharqshunos Yevgeniy Fedorovich Kalning shaxsiy tashabbusi bilan xalq kutubxonasining sharq qo'lyozmalarini ilmiy jihatdan tasvirlab chiqish tugallandi, u tasvirlash vaqtida Ch. Rening yevropacha saqlashdan iborat mashhur va ancha nufuzli katalogidan foydalandi. Kalning katalogi o'ziga 126 ta turli asarlardan tashkil topgan 87 jildni qamrab olgan, bu esa Turkiston xalq kutubxonasidagi qo'lyozmalar to'plamining mazmuni haqida xulosa chiqarish imkonini beradi. Katalogga kiritilgan qo'lyozmalar asosan Markaziy Osiyo, Eron va Hindiston tarixiga doir bo'lib, ulardan 78 tasi forscha (tojikcha), 19 tasi arabcha va 29 tasi turkiy (o'zbek) tilidagi qo'lyozmalar edi.

Turkiston xalq kutubxonasining kolleksiyasi fors tilidagi adabiyotlarga ancha boy bo'lib, bu yerda eng yangi va o'rta asrlar tarixiga doir bir qator qimmatli asarlar bor edi. Bu yerda Payg'ambar Ibn Ishoq tarjimai holining

tarjimasi, Ali ben Jalol al-Islomning «Temur tarixi» (hijriy 801-yilgacha), Muhammad Vafo Kerminagining 1134-yildan 1170-yilgacha bo'lgan Movarounnahr tarixi va boshqa asarlar bo'lgan. Turkiy qo'lyozmalar orasida Abulg'ozixonning «Xiva turkmanlari tarixi» (chamasi «Shajarai turk» asari bo'lsa kerak, hijriy 1071-yilda tuzilgan) asari, Hoji Muhammad Hakimxon To'raning 1259 (1843)-yilda yozilgan «Solnomma (tarix)dan pardhalar» asari qo'lyozmalari diqqatga sazovordir. Arab bo'limi haqida gap borganda, mashhur sharqshunos V. R. G'oziyning so'zlariga ko'ra, undagi fiqh ilmi bo'yicha risolalar aqida-parastlik, mantiq va grammatika bo'yicha eng oddiy risolalardan iborat edi.

1881-yil 16-sentabrda Ye. F. Kal Termizda yurak fala jidan to'satdan vafot etadi, u Buxoro xonligining sharqiy tumanlarida xizmat safarida bo'lgan vaqtida og'ir bezgak kasaliga uchragan edi. Uhing vafotidan keyin kutubxona qo'lyozmalarini o'rganish uzoq vaqtgacha to'xtatiladi. Qo'lyozmalarni to'ldirish sekinlik bilan boradi. Toshkentlik bibliograf, Turkiston xalq kutubxonasingin birinchi direktori N. V. Dmitrovskiy ma'lum qilishicha, 1895-yilda qo'lyozmalar fondida faqat 90 ga yaqin qo'lyozma bo'lib, ular sharq tillarida bo'lgan.

1890-yildan boshlab kutubxonaga sharq qo'lyozmalarining kelib turishi bimuncha jonlandi, bunga o'lkaning boy tabiiy boyliklari va bu yerda yashovchi xalqlarning madaniy merosini o'rganish bilan shug'ullangan rus olimlari, ilmiy jamiyatlar va to'garaklar yordam berdi.

Shunisi diqqatga sazovorki, bu ishda Turkiston o'lksida tug'ilganlar, xususan, samarqandlik qadimgi ashyolar va osori-atiqlarni to'plovchi Mirza Buxarin, toshkentlik kolleksioner Akram Asqarov, buxorolik qadimiy ashyolarni to'plovchi Muhammad Vafo va boshqa ko'plab kishilar faol ishtiirk etdilar.

Ye. F. Kaldan keyin birinchi marta qo'lyozmalar fondlarining sharq qo'lyozmalari bilan to'ldirilishi 1891-yilda

sodir bo'ldi, bu vaqtida kutubxonaning birinchi o'zbek arxeolog'i, tangalar va qadimgi ashiyolarning mashhur to'plovchisi savdogar Akram Asqarovning merosxo'rlaridan Qur'onning izohli qo'lyozmasini, shoir Mirza Bedilning she'rlar to'plamini, Sayyor Sharifning «avliyolar» hayotidan hikoya qiluvchi asarini va boshqa bir qator kitoblarni sotib oldi, ularga bor-yo'g'i 102 so'm to'landi.

1898-yilda Turkiston o'lkasidagi birinchi o'zbek gazetasining asoschisi va muharriri N.P. Osroumovning (1846-1930) iltimosiga ko'ra, Turkiston xalq kutubxonasi mingtepalik eshon Andijon qo'zg'olarning qatl qilingan rahbari Muhammadali Sobirovning (laqabi «Dukchi Eshon») shaxsiy kutubxonasidan musodara qilingan 194 ta qo'lyozma topshirildi. V.V. Bartoldning yozishicha, bu 1880-yillar vaqtidan buyon qo'lyozma to'plamlariga kelib tushgan jiddiy qo'shimcha edi.

Akademik V. V. Bartold bir necha o'n yillar mobaynida Turkiston xalq kutubxonasi bilan mustahkam va do'stona alogada bo'lib keldi. U Toshkentga bir necha marta kelar ekan, har gal kutubxonaning qo'lyozmalar bo'limi ahvoli bilan qiziqar, qo'lyozmalar to'plash va ularni o'rganish qanday holatda ekanligini so'rab-surishtirardi. 1902-yilgi yozgi xizmat safari vaqtida u qo'lyozmalar to'plami bilan bat afsil tanishib chiqadi, bu yerda sharq qo'lyozmalarining G'arbiy Yevropadagi eng muhim kataloglari yo'qligini, bularsiz qo'lyozmalarni to'liq tasvirlab bo'lmasligini qayd qiladi. V.V. Bartoldning fikricha, Mingtepadagi singari qo'lyozmalar to'plamlari kutubxonada ko'proq bo'lishi lozim, buning uchun, olimning ta'kidlashicha, «Agar o'lkada mavjud bo'lgan va hali hech kim tomonidan tadqiq qilinmagan kitob xazinalarini rus fani uchun saqlab qolishni istasak, butun kuch-qurvatimizni sarflamog'imiz zarur».

V. V. Bartoldning tavsiyasi bo'yicha Turkiston xalq kutubxonasi general Jo'rabeckning qo'lyozmalar to'plamidan Rashididdinning «Jome at-tavorix», Sharafiddin Ali

Yazdiyning «Zafarnoma» asari qo'lyozmalarini sotib oldi, ular ajoyib miniatyurlar bilan bezatilgan edi.

V. V. Bartold o'lkada vakolatli shaxslarning yo'qligi tufayli qo'lyozmalami qidirib topish va sotib olish ishlari muntazam ravishda olib borilmayotganligini ham qayd qilib o'tadi. U vatanparvar olim va ilm-fanga nihoyatda berilgan shaxs sifatida xususiy qo'lyozmalarning bozorda sotilishi va pul olib ishlaydigan agentlar yordamida qimmatli qo'lyozmalar Britaniya muzeyiga xarid qilinishi mumkinligidan tashvishga tushgan. Sharq qo'lyozmalarining chet elga tashib ketilishiga barham berish maqsadida Turkiston xalq kutubxonasi dagi qo'lyozmalarni aniqlash va to'plash vazifasini o'z zimmasiga olishni taklif qildi. Uning fikricha, markazga faqat nodir manuskriptlarni yuborish kerak, qolgan narsalarning hammasi Toshkentdagi qo'lyozmalar omborida qoldirilishi lozim.

Shundan keyingi yillarda ham V.V. Bartold mamlakatdagagi sharq qo'lyozmalarining chet elga tashib ketilishiga yo'l qo'ymaslik uchun har tomonlama intildi. 1929-yilda, vafotidan bir yil oldin, u «Xorazm tarixi bo'yicha yangi manba» nomli asarida qayd qilishicha, Markaziy Osiyodagi hali noma'lum bo'lган qo'lyozmalar yo Sankt-Peterburg yoki Toshkentda saqlanishi lozim, ularning mamlakatdan olib ketilishiga qarshi turish zarur, ekanligini uqtirib o'tdi.

Markaziy Osiyo sharq qo'lyozmalarining yana bir ulkan bilimdoni, ajoyib o'lakashunos V. L. Vyatkin qayd qilib o'tganidek, mahalliy arboblarning mamlakatimiz o'tmishini o'rGANISHGA doir olib borayotgan ishining kam samarali va arzimas darajada to'liq sharq qo'lyozmalarini omborining yo'qligi, sharq qo'lyozmalarini to'plash ishlari ning muntazam olib borilmasligi, mavjud qo'lyozmalar to'plamining nihoyatda kambag'alligidir. Muallif «Buxoro kitob bozori» nomli maqolasida «kutubxona qo'lyozmalar sotib olishga deyarli mablag' sarflamaydi, shuning uchun uning manuskriptlar to'plami aslo kutilgan to'lalikka eri-

sholmaydi», deb yozgan edi. Shu bilan birga, deb ta'kidlaydi u, «o'lka hududlarida qo'lyozmalar soni tobora kamayib bormoqda, uni chet el kutubxonalari uchun zo'r berib sotib olishmoqda, xususiy shaxslar ham xarid qilishmoqda». Maqola muallifi keyingi o'n yil ichida juda ko'p miqdordagi asarlar chet ellarga olib ketilganini, holbuki «ularning saqlanadigan eng mos joyi o'zimizning kutubxonalar javoni» bo'lishi lozimligini ko'rsatib o'tadi. «Turkistonda barcha mahalliy qo'lyozmalar to'planishi lozim va bu yerda sharq instituti ochilgan vaqtida yozma yodgorliklar o'tmish haqidagi fanning asosini tashkil etadi». Muallif kitoblaming ayovsizlik bilan sotib yuborilishini to'xtatish zarurligini, rus olimlari, shuningdek, Markaziy Osiyo xalqlari yodgorliklarini qadrlovchi mahalliy kishilar va ishqibozlar qo'lyozmalarni muhofaza qilish va qidirib topish sohasidagi ishlarni keng avj oldirishlari zanurligini talab qiladi.

XX asrning boshlarida ham kutubxonaning qo'lyozmalar fondi juda sekinlik bilan to'ldirib borildi. 1904-yilgi kutubxona hisobiga ko'ra, unda 500 nusxaga yaqin arab, turkiy va fors tillaridagi kitoblar bor edi, bu hisobga toshbosmada bosilgan qo'lyozmalar ham kirardi (bu vaqtga kelib kutubxonada ularni saralab olish boshlangan edi).

Turkiston xalq kutubxonasining sharq qo'lyozmalarini hisobli bo'yicha uchinchи katalogi (ruyxati) tuzuvchisi A. A. Semyonov 1912-yilda bu yerda 231 ta qo'lyozma borligini hisoblab chiqqan, bularidan 194 tasi 1898-yilgi Andijon qo'zg'olonidan keyin kutubxonaga kelib tushgan. Mazzkur ruyxat e'lon qilinmagan va O'zbekiston Fanlar akademiyasining Sharqshunoslik institutida saqlanadi. Bu vaqtga kelib Ye.F. Kal tasvirlab bergen qo'lyozmalar bilan birqalikda umumiyligi qo'lyozmalar soni 318 tani, toshbosma nashrlari bilan birqalikda esa 887 tadan ko'proqni tashkil etgan.

A. A. Semyonov inqilobdan oldingi Turkistonda dastlabki rus sharqshunoslardan birinchi bo'lib mahalliy

toshbosma nashrlarni o'rganishga kirishdi. U Turkiston xalq kutubxonasining sharq toshbosma va bosma nashrlari ro'yxatini tuzib chiqqan. Bu qo'lyozmalar O'zbekiston FA Sharqshunoslik instituti kutubxonasida saqlanadi. Markaziy Osiyolik taniqli bibliograf va kitobshunos Ye. K. Better qayd qilganidek, A. A. Semyonovning xizmati shundan iborat bo'ldiki, u sharq kitoblarining qimmatli mahalliy nashrlarini ilmiy muomalaga kiritdi va mahalliy toshbosma nashrlarining bibliografiyasini tuzib chiquvchilardan birib o'ldi.

Bizga shu narsa ma'lumki, Turkiston xalq kutubxonasi zarur mablag'laming yo'qligi tufayli sharq qo'lyozmalari ni qidirib topish va xarid qilish ishlarini rejali ravishda tashkil etolmadi. Mahalliy ma'muriyatning Turkiston xalq kutubxonasiga arzimas darajada mablag' ajratgani va qo'lyozmalar to'plashga e'tiborsizlik bilan qaragani haqida A. A. Semyonov g'azab bilan quyidagilarni yozgan edi: «Bir narsa sira xayoldan ko'tarilmaydi: o'sha vaqtidagi rahbarlarning uzoqni ko'ra bilmasligi aholining qo'llidagi haddan tashqari mo'l-ko'l qo'lyozmalarning sira takrorlanmaydigan imkoniyatidan foydalanib qolishga xalqit berdi, bu vaqtda Turkistonning barcha shaharlarda qo'lyozmalar to'lib-toshib yotardi, ulardan yoqganlarini bemalol tanlab olish mumkin edi».

Yugorida aytib o'tganimizdek, sharq qo'lyozma kitoblarini qidirib topish va to'plash bilan ko'p sonli aholi orasidan o'ziga to'q kitob ishqibozlari – ruhoniylar, ma'murlar, savdogarlarning namoyandalari va boshqalar ham shug'ullanishdi. Ba'zan kitoblarni Markaziy Osiyoga g'arbiy Yevropa va boshqa mamlakatlardan kelgan olimlar va saydatchilar sotib olishardi.

Markaziy Osiyo hududida saqlanib qolgan qo'lyozma yodgorliklari ming yildan ko'proq vaqt mobaynida O'zbekiston kitob omborlaridan joy olib keldi, ular turli davrlarga, turli mamlakatlarga va shaharlarga oid ma'naviy boyliklardir. Mahalliy yozma yodgorliklardan tashqa-

ri Markaziy Osiyo davlatlarida xorijdan kelgan ko'pgina qo'lyozmalar ham bor edi. «Ulardan ko'plari, – deb yozgan edi akademik A.A. Semyonov, – hech qayerda uchramaydigan butunlay nodir qo'lyozmalar yoki faqat adabiyot va tarix sohasida ham mashhur turli mutaxassislar tomonidan ko'chirilgan qo'lyozmalar edi».

Ma'lumki, hali Pyotr I zamonidan e'tiboran rus olimlarining sharq qo'lyozmalariga qiziqishi namoyon bo'la boshlagan. Pyotrning kamyo narsalar saqlanadigan kabinetida ham fors va turkiy yozuvdag'i bir qator qo'lyozmalar bo'lgan.

Shundan keyingi davrda sharq qo'lyozmalarini qidirib topish va to'plash sohasidagi faoliyat yanada kengaydi. Bu ish Moskvadagi Lazarevsk instituti ochilishi (1815–1816) vaqtiga kelib sezilarli ravishda jonlandi. Xarkov, Qozon va boshqa universitetlar huzuridagi sharq tillari kafedralarida ham bu ish avj oldirildi. Sankt-Peterburg universiteti huzurida Sharq tillari fakultetiga 1855-yilda asos solinishi bilan sharqshunoslik faoliyati kuchaytirildi, bu universitet tez orada rus sharqshunosligining markaziga aylandi.

Rus sharqshunos olimlari Markaziy Osiyo hududida to'plangan ko'pgina yozma yodgorliklarni bu hududni Chor Rossiyasi bosib olmasdan oldin ham yaxshi bilishardi. Masalan, akademik X. D. Frenning 1845-yilda nashr etilgan asarida 200 dan ortiq Sharq qo'lyozmalarining nomlari keltirib o'tilgan bo'lib, ularning ko'plari tarixiy va geografik mazmundagi qo'lyozmalar, aksariyati O'rta Osiyo hududiga tegishli edi. Yevropadagi kutubxonalar sanab o'tilgan qo'lyozmalarning ayrimlariga ega emasdi, shuning uchun ham olim ilm-fan foydasi yo'lida bunday qo'lyozmalarning asl nuxxalarini yoki ularning ko'chirmalarini qidirib topishga da'vat qildi.

XIX asrning birinchi yarmida Sharq qo'lyozmalarini qidirib topish va sotib olish bilan shug'ullangan boshqa rus olimlari orasida orientalist sayohatchi N. V. Xanikovning (1819–1878) nomi ham mashhurdir. U 1841–1842-

yillarda Buxoroda bo'lgan vaqtida ko'p miqdordagi qo'lyozmalarni, shu jumladan, O'rta Osiyodan topilgan qo'lyozmalarni sotib olgan. Keyinchalik bu qo'lyozmalar Sankt-Peterburg xalq kutubxonasiga topshirilgan. Yana bir sharqshunos olim va arxeolog P.I. Lerx O'rta Osiyoda bo'lgan davrida Abu Said Abdal Karimal Somoniyning «Kitob al-asnab» asari qo'lyozmasini va unga doir tasvimi, Hofiz Tanishning «Abdullahxonning hijriy 996-yilgacha bo'lgan tarixi» asarini, uning o'tmishdoshlari va boshqalarning 1852-yilda Osiyo muzeyiga topshirilgan asarlarni sotib olgan.

XIX asrning o'rtalarida Osiyo muzeyida 4 mingga yaqin sharq qo'lyozmalarini saqlanayotgan bo'lib, ular orasida O'rta Osiyodan topilgan qo'lyozmalar ham mavjud edi.

XIX asrning ikkinchi yarmida sharq qo'lyozmalarini to'plash va o'rganish uchun yanada kengroq imkoniyatlar ochildi. Sharqshunoslik o'quv yurtlaridan tashqari ilgari mavjud bo'lgan ilmiy va o'quv mazrusidagi Markaziy Osiyo qo'lyozmalariga ma'lum darajada e'tibor bilan qaragan yangi-yangi jamiyatlar vujudga keldi.

Sharq qo'lyozmalarini tashkiliy ravishda to'plash deyarli barcha harbiy ekspeditsiyalar uchun xos edi, ularning tarkibiga sharqshunos mutaxassislar ham kirardi. Turkistonning birinchi general-gubernatori K.P. Kaufman sharqshunos A.L. Kunga yo'llagan maktublaridan birida bunday deb yozgan edi: «Buxoro bilan Samargand doim musulmon dunyosining olimlari va ma'lumotli kishilarini to'plangan joylar hisoblab kelingan va shunday deb hisoblanadi. Bu shaharlarning tarixi shuni ko'rsatadiki, ularda doimo g'oyat muhim sharq qo'lyozmalarini ko'p to'plangan. Bu qo'lyozmalarni yoki aqalli ularning ayrim qismalarini qidirib topish ilmu fan uchun nihoyatda foydali bo'lur edi».

1868-yilda Samargand egallab olingandan keyin oradan bir yil o'tgach, Xo'ja Ahror masjidida ulkan yodgorlik hisoblangan «Usmon Qur'onii» sotib olindi.

Xivaga qilingan 1870-yilgi yurishdan birmuncha vaqt ilgari rus geografiya jamiyati xonlikni o'rganish bo'yicha bat afsil yo'rignoma ishlab chiqqan bo'lib, unda sharq qo'lyozmalarining keng suratda toplashga intilish o'z ifodasini topgan. Dasturning ana shu qismi taniqli orientalist mutaxassis T.I.Lerx tomonidan tuzilgan edi, u O'rta Osiyoda bir necha marta bo'lган, qo'lyozmalarini qo'lga kiritish shart-sharoitlari va imkoniyatlarini, qadimgi va qimmatli qo'lyozmalami yaxshi bilardi. Xiva yurishi (1873) va Qo'qon yurishi (1875) vaqtlarida Sharq qo'lyozmalarini toplash va saqlashda g'ayratli va mehnatsevar tadqi-qotchi A.L.Kun ancha faollik ko'rsatdi. U 1874-yilgi Shahrisabz ekspeditsiyasining qatnashchisi ham edi. Faqat Xivaga yurish vaqtida u 300 ta qo'lyozma kitoblar to'plaganligi ma'lum. Shundan keyingi yillarda ham A. L .Kun qo'lyozmalami qidirib topish bilan zo'r berib shug'ullangan. 1890-yilda Osiyo muzeyiga 134 ta sharq qo'lyozmasini topshirgan.

XX asrning boshlarida O'rta Osiyo hududida endi sharq qo'lyozmalarini aniqlash va toplashda rus sharqshunos olimlarining ancha katta guruhi ishtirok etdi. Birinchi navbatda atoqli va mashhur rus olimlari, akademik V. V. Bartold, K. G. Zaleman, A. N. Samoylovich, V. A. Ivanov va boshgalami aytib o'tish kerak. Bu yerda ular o'lka xalqlari madaniy merosini o'rgandilar, yozma yodgorliklarning qanday saqlanishi bilan tanishdilar, hamisha ularning tashrif buyuradigan joylari davlat saroy kutubxonalari, xususiy qo'lyozmalar kutubxonalari bo'lardi, ular har doim mashhur kitobsevarlar va madaniyat homiyлari bilan uchrashardilar, ular orasida mahalliy kishilar ham, kelgindi shaxslar ham bo'lardi. Adabiy manbalarning guvohlik berishicha, faqat Osiyo muzeyining o'zi ana shu olimlardan ko'plab fors-tojik qo'lyozmalarini olgan. V. V. Bartolddan 20 ta qo'lyozma, K. G. Zalemandan 105 ta qo'lyozma, A. Validovdan 16 ta qo'lyozma, V. V. Belyaminovdan 19 ta, V. A. Ivanovdan 605 ta qo'lyozma olgan

va hokazo. Faqat ana shu besh mutaxassisning o'zi muzey to'plamlarini 765 nusxa qo'lyozma bilan boyitgan.

Mahalliy arboblardan, xususan, D. Gramenitskiy, Ya. Ya. Lyutsh, N. N. Pantusov, V. L. Vyatkin, A. A. Semyonov, M. F. Gavrilov va boshqa ko'pgina kishilar zo'r g'ayrat bilan mehnat qildilar. Ulardan ayrimlari Sankt-Peterburg universitetining sharq tillari fakultetini tamomlashgan. Turkiston o'lkasida xizmatda bo'lган vaqtida ular Markaziy Osiyo xalqlarining boy tarixi va madaniyatini zo'r e'tibor bilan hormay-tolmay o'rgandilar, ko'pincha o'lkaning turli joylariga borib, turli yozma asarlarni to'pladilar va o'rgandilar. Ularning bu sohadagi faolligi shashubhasiz sezilarli iz qoldirdi.

Rus sharqshunoslarining faoliyatida faqat Rossiya hukmon sinflarining tor xudbinlik manfaatlari emas, balki qo'lyozmalarni saqlab qolishdan chuqur ilmiy manfaatdorlik va ulami ilm-fan mulkiga aylantirishga intilish ustunlik qildi. Bo'la jak sharqshunoslarning ko'plari hali talabalik yillaridayoq O'rta Osiyoning mehnatkash xalqiga nisbatan xayrixohlikni saqlab qoldilar. Mashhur amaldor N. I. Ilinskiy 1884-yil 28-sentabrda K. P. Pobedonossev nomiga yuborgan xatida bunday deb yozgan edi: «Peterburg universiteti sharq tillari (fakulteti) talabalarini va Lazarevsk institutining talabalari bizning O'rta Osiyo mamlakatlari uchun yaroqsizlar, chunki ular Markaziy Osiyo xalqlari adabiyoti, tarixi va etnografiyasini ob'ektiv ravishda o'rganadilar va ularga o'z xayrixohliklarini bildiradilar».

Rus sharqshunoslarining sharq qo'lyozmalarini to'plash va saqlash sohasidagi faoliyati ayrim tashabbuskor olim-larning tarqoq kuch-g'ayrat sarflashidan iboratdir, ular podsho hukumatining qo'llab-quvvatlashini sira ko'rgan emaslar. Podsho hukumati bunday degan edi: «O'rta Osiyodagi qadimgi madaniyatni o'rganish va yodgorliklarni saqlash foydali bo'lish u yoqda tursin, hatto zararlidir».

Shunga qaramasda, o'z davri uchun ijtimoiy jihatdan shart bo'lgan kamchiliklar mavjud bo'lgani holda ular to-

monidan katta ishlar amalga oshirildi. «Sharqshunos mutaxassislar va havaskorlarning kuch-g'ayrati bilan, – deb yozadi V. V. Lunin, – Rossiyaning kitob omborlari Markaziy Osiyodan kelib chiqqan ko'pgina yuzlab qo'lyozmalar bilan boyidi, ularda O'rta Osiyoga doir muayyan ma'lumotlar bor edi».

«Yarim asrlik faoliyat mobaynida(taxminan 1865-yildan 1917-yilga qadar), – deb yozadi V. V. Lunin, – jamoat kutubxonalarini va xususiy to'plamlarda 3 mingdan ortiq sharq qo'lyozmalari aniqlandi va to'plandi». Agar inqilobdan oldingi sharqshunoslarning kuch-g'ayrati sarflanmaganda ko'pgina qo'lyozmalar ilm-fan mulkiga aylanmagan bo'lar edi. Qidirib topilgan va sotib olingan sharq qo'lyozmalarining bir qismi juda kam uchraydigan va nodir qo'lyozmalar qatoriga kiradi. Masalan, «Usmon Qur'onii», Ibn Miskaveyxning «Xalqlar tajribasi», Amir Temurning «Temur tuzuklari», G'iyosiddin Alining «Hindistonga yurish kundaligi» va boshqa ko'plab qo'lyozmalar bor. Markaziy Osiyo xalqlarining tarix uchun g'oyat muhim bo'lgan va fan uchun nihoyatda qimmatli bo'lgan katta miqdordagi qo'lyozma manbalari aniqlandi va o'rganildi. Bu qo'lyozmalardan ayrimlari ilmiy muomalaga kiritildi, bunda Osiyo muzeyi, Sankt-Peterburg universiteti kutubxonasi, Turkiston xalq kutubxonasi qo'lyozma to'plamlarining e'lon qilingan tavsiflari va kataloglari muhim ahamiyatga ega bo'ldi.

Ish olib borish uchun qulay sharoitlar, qoniqarli va doimiy moddiy baza bor bo'lganda, yakka tartibda ishlagan tashabbuskor olimlar va mahalliy havaskorlar, shak-shubhasiz bundan ham ko'proq ishlarni amalga oshirgan bo'ladilar.

XULOSA

Adabiy va boshqa manbalarni o'rganish shuni ko'rsatadiki, sharq qo'lyozma kitoblarini saqlovchi O'zbekiston hududidagi dastlabki kutubxonalar masjid-madrasalarda, maktablarda va ayrim hukmdorlar ixtiyorida bo'lgan edi.

VIII asrning boshlarida arab bosqinchilari O'rta Osiyo davlatlariga nihoyatda katta zarar yetkazdilar, ko'plab kutubxonalar talab ketildi, kitoblar yo'q qilindi, lekin bular qadimgi madaniyatni to'la-to'kis halokatga olib kelolmadi.

IX asrning oxirlarida Markaziy Osiyo封建制 xalikning yuksalishi fan va madaniyatning, adabiyot va san'atning ravnay topishiga, davlat fondlarining tashkil topishiga, saroy kutubxonalarining, madrasa va masjidlar huzuridagi kutubxonalar, shaxsiy va boshqa kutubxonalarning tashkil etilishiga olib keldi.

Mo'g'ullar bosqini davrida Markaziy Osiyo xalqlarining madaniy rivojlanishi to'xtab qoldi, kutubxonalar yana tanazzulga uchradi. XIV asrning ikkinchi yarmidan boshlab mamlakatdagi kutubxonalar tiklana boshlandi, bu vaqtida O'rta Osiyoda markazlashgan davlat vujudga kelgan edi. Kutubxonalarning ancha gullagan davri Amir Temur va temuriylar hukmronlik qilgan davrga to'g'ri keladi. Amir Temur, Ulug'bek, Shohruh, Husayn Boyqaro va temuriy hukmdorlar saroylaridagi kutubxonalarda ko'pgina tillarda qimatbaho manuskriptlar to'plangan edi.

XVI asrдан boshlab o'zbek xonliklarida bir qadar iqtisodiy va madaniy tanazzul yuzaga keldi, kitoblar yaratilishi kamaydi, ayniqsa, diniy va tabiiy-ilmiy adabiyotlar kamayib ketdi. Biroq, shunday sharoitlarda ham kutubxonalar faoliyat ko'rsatishda davom etdi. Shaxsiy kutubxonalar, madrasa va masjidlar huzuridagi kutubxonalar rivojlandi. Ularda diniy mazmundagi kitoblar, risolalar, podsholik hayotiga doir adabiyotlar bilan bir

qatorda falsafa, astronomiya, tibbiyot, matematika, astrologiya, geografiya va boshqa fanlarga doir qo'lyozmalar jamiandi. O'zbek xonliklarining kutubxonalarida badiiy-ash'oriy adabiyotlar katta o'rinnegalladi.

Ba'zi kutubxonalar alohida binolar va xonalarga joylashgan bo'lib, ulardag'i adabiyotlar ma'lum tartibga solingen, ya'ni fan tarmoqlari bo'yicha joylashtirilgan, kitoblarining ro'yxat-kataloglari mavjud edi.

O'rta asrlardagi kutubxonalarning eng birinchi galdaq'i vazifasi – kitob va qo'lyozmalarning saqlanishini ta'minlash va mahalliy hamda kelgindi olimlar, yozuvchilar, tarixchilar, shoirlar, davlat arboblari va boshqa imtiyozli qatlamlarning kitoblarga bo'lgan ehtiyojini qondirishdan iborat edi. Shu bilan birga kutubxonalarning mavjudligi fan va madaniyatning rivojlanishiga, xalq o'rtasida savodxonlikning yuksalishiga shak-shubhasiz yordam berdi. Biroq ko'pgina qo'lyozmalar va kutubxonalarning taqdiri ayanchli bo'lib, ko'pincha ular o'zaro feudal urushlar, chet el bosqinchilarining hujumlari, yong'inlar va tabiiy ofatlar tufayli ancha-muncha zarar ko'rardi, shikastlanardi.

Markaziy Osiyon Chor Rossiyasi bosib olgandan keyin Turkiston o'lkasida qo'lyozmalarni to'plash bilan ilmiy jamiyatlar va jamoat kutubxonalari shug'ullandi, bu sohada Turkiston xalq kutubxonasi tomonidan ko'pgina ishlar qilindi.

Mahalliy kitob ishqibozlari va rus orientalist olimlari sharq kitoblari va qo'lyozmalariga katta qiziqish bilan qaradilar, ular kitob va qo'lyozmalarni to'plash va saqlash bilan astoydil shug'ullandilar. Lekin ularning faoliyati tarqoq holda olib borildi, hukumat tomonidan yetarli qo'llab-quvvatlanmadidi. Shunga qaramasdan, ular tomonidan minglab qimmatli qo'lyozmalar qidirib topildi, bulaming ko'plari ilmiy jihatdan o'rjanib chiqildi va tasvirlandi.

Sharq qo'lyozma kitoblarini qidirib topish va ilmiy tasvirlash sohasida keng, rejali ishlar sho'ro davrida, xususan O'zbekiston Fanlar akademiyasi tizimida sharq qo'lyozmalarini o'rganish instituti, keyinchalik esa Sharqshunoslik instituti va boshqa muassasalar tashkil etilgandan keyin ancha avj oldi. Endilikda O'zbekiston mustaqillikka erishgandan keyin bu ishlar keng ko'lamda olib borilmogda.

FOYDALANILGAN ADABIYOTLAR

1. A. A. Semyonov. Pismennosti, sushestvovavshie na territorii Sredney Azii.-Izv. Tadzhikskogo filiala AN SSSR, 1948, ¹12, s. 19.
2. S. P. Tolstov. Xorezmiyskaya arxeologo-etnograficheskaya ekspeditsiya AN SSSR 1948 goda.-Izv. AN SSSR. Ser. Ist. i filosofii. T.4, ¹3. M., 1949, s. 26.
3. Datirovanniye sogdiyskiye dokumenti s gori Mug v Tadzhikistane.- Trudi In-ta Vostokovedeniya. T. 17. L., 1936, s. 137-165.
4. M. E. Masson i G. A. Pugachenkova. Parfyanskiye ritoni Nisi.-Trudi Yujno-Turkm.arxeolog.ekspeditsii.T.4. Ashxabad, 1959, s. 49.
5. A. A. Semyonov. Drevneyshiye biblioteki Sredney Azii.\\" «Pioner Vostoka», 1938, ¹42
6. Abu Rayhan Beruni. Sbornik statey, pod. red. S.P. Tolstova. M.- L. AN SSSR, 1950, s. 14.
7. T. P. Qori-Niyoziy. Sovet O'zbekiston madaniyati ocherklari. T. 1956. 14 bet.
8. A. M. Beleniskiy. Kratkiy ocherk jizni i trudov Beruni.-V. kn.: Abu Rayhan Beruni. Sobraniye sochineniy dlya poznaniya dragotsennostey (Mineralogiya).- M., Izd-vo AN SSSR, 1963, s 288.
9. Jizneopisaniye Abu Ali Xuseyna Ibn Abdullaxa Ibn Sini, rasskazannoe im samim i zapisannoe ego uchenikom Abu Ubaydo al-Djuzdjani (per. M. Zaida). - Literaturniy Tadzhikistan. Almanax. 1958. ¹ 5 s.134.
10. Materiali po istorii turkmen i Turkmenii. T.I, VII-XV vv. 1939, s. 434.
11. A. L. Kun. Predaniye o biblioteke Timura. -Materiali dlya statistiki Turkestanskogo kraya. - Ejegodnik. Vip. 3. S-Pb, 1874, s. 406.
12. «Turkestanskie Vedomosti», 1911, ¹ 5.
13. D. Kvarsov. «Gde je biblioteka Ulugbekha». Gaz. «Pravda Vostoka» 1962, ¹ 247.

14. A. A. Semyonov. «Sheybani-xan i zavoevaniye im imperii Timuridov». Materiali po istorii tadzhikov i uzbekov Sredney Azii. Vip. 7, 1954, s. 43.
15. Jurn. Mir Islama. 1913, T 2 s. 89-99.
16. Voprosi predlagayemie imp. Russkim Geograficheskim obshchestvom pri issledovanii Xivinskogo xanstva i sopredelnix s nim stran v geograficheskem, etnograficheskem i kulturno-istoricheskem otnosheniyax. Spo. 1873, s. 36-39.
17. O'zSSR MDA, 1009-fond, I-ro'yxat, 67-del, 31-varaq.
18. V. V. Stasov. Tron xivinskix xanov. – Vestnik izyashchinx isskustv. T. 4. Vip. 5. S-Pb. 1886, s. 405.
19. O. G'. Qosimova. O'zbekistonda kutubxonachilik ishi tarixi. O'quv qo'llarma. Toshkent, «O'qituvchi» nashriyoti, 1981, 5-12-betlar.
20. A. Z. Validov. Vostochniye rukopisi v Ferganskoy oblasti. – Zap. Vost. Otd. Russk. Arxeol. ob-va. T. 22. 11., 1925, s. 308.
21. B. B. Bartold. Otchet o komandirovke v Turkestan. Zap. Vost. Otd. Russk. Arxeol. ob-va. T. XV. S-Pb. 1904.
22. Abd-ur-Rauf. «Rasskazi indiyskogo puteshestvennika (Buxara, kak ona est) per. s persid. A.N. Kondratyeva. Samarkand, 1913, s. 24.
23. B. B. Bartold. Iстория изучения Востока в Европе и России. Izd. 2-e. L., 1925, s. 262.
24. V. L. Vyatkin. Buxarskiy rinok. Gaz. «Turkestanskie Vedomosti», 1897,
25. A. A. Semyonov. Rol Turkestanskoy publichnoy, a nine Gos. pub. biblioteki UzSSR v sobiranii i oxrane vostochnix rukopisey i aktov, 1945.– Arxiv A. A. Semyonova, op. 1, d. 144, ll. 4-5.
26. A. A. Semyonov. Sredneaziatskiye rukopisnie fondi i vajnost ix izucheniya. – V kn.: Materiali pervoy vsesoyuznoy nauchnoy konferensii vostokovedov v Tashkente 4-5 iyunya 1957 g. Tashkent. Izd-vo An UzSSR, 1958, s. 912.
27. A. L. Kun. Koran Osmana. Gaz. «Turkestanskie Vedomosti», 1870, '1.
28. P. V. Znamenskiy. Uchastie N. I. Ilinskogo v dele inogrodni-cheskogo obrazovaniya v Turkestanskem kraye. – Kazan, 1900, s. 72.
29. V. V. Bartold. Zadachi russkix vostokovedov v Turkestane. S-Pb. 1915, s. 17.
30. B. V. Lunin. Srednyaya Aziya v dorevolutsionnom i sovetskom vostokovedenii. Tashkent, Izd-vo «Nauka», 1965, s. 254.

MUNDARIJA

Muqadima	3
O'zbekiston hududida arablar istilosiga qadar vujudga kelgan yozuv, dastlabki kitoblar va kutubxonalar	4
Somoniyilar va mo'g'ul bosqinchiligi davrida madaniy hayot va kutubxonalar faoliyati	9
Amir Temur va temuriylar davlatida madaniy hayot hamda kutubxonalar	17
Shayboniyalar va ashtaxoniylar davlatlarida kutubxonalar	31
XVIII-XIX asrlarda Buxoro amirligi, Xiva va Qo'qon xonliklarida madaniy hayot va kutubxonalar	36
XVIII-XIX asrlarda o'zbek xonliklarida kitob savdosi	59
Sharq qo'lyozma kitoblarini to'plash va saqlashda Turkistondagi mahalliy muassasalar, kitob ishgibozlari va olimlarining roli	64
Xulosa	76
Foydalilanilgan adabiyotlar	78

A. I. Kormilisin, M. M. Rasulov, S. X. Davlatov

KUTUBXONASHUNOSLIK ISHINING NAZARIYASI VA TARIXI

O'zbek tilida

Muharrir I. Zoirov. Rassom J. Gurova.

Tex. muharrir T. Smirnova. Musahih M. Akromova.

Kompyuterda tayyorlovchi E. Kim

IB 1 45

Terishga berildi 2003 y. Bosishga ruxsat tildi 2003. Bichimi 84%¹/108¹/₃₂.

Shartli bosma tabog'i 4,2. Nashr bosma tabog'i 3,5. Adadi 3000 nusxa.

Bahosi shartnoma asosida. Buyurtma 1 45.

Toshkent kartografiya fabrikasi, 700170, A. Muxiddinova ko'chasi, 6.